

國朝奏疏

國朝奏疏弁言
道載詩書精義合天人之撰功
垂卅帛名言宣德業之華既經
國以綏猷亦匡時而建策虞廷
敷納夏陛昌言矢彛訓於商伊
告徽言于周且奏疏之昉由來
尚矣若乃鄒枚止上書匡對以



列聖國昭

封事司馬長卿之文譎諫吾
叩子贛之指事切陳或傳班史
之書或入蕭梁之選迨至陸忠
宣翰苑之稿通鑑錄其卅篇范
文正政府之編遺集分為四類
斯固揚言之極則允為資獻之
嘉謨讀庶朝奏議之章采名臣

經濟之錄文報國其書滿家
伊古可徵於今為盛書息對命
論道經邦淵源上接於前賢啓
沃聿隆舌
代此
朝奏疏之由輯也欽惟我
創垂駿業符二帝而邁三王羣

廣運朝鴻
昌景

賢襄贊
圖協五臣而超十治
無闕事惟
夫文武聖神書必盡言非侈侈
夫安平康樂夫際重熙之
運共繪光華頌嚮福之
辰咸叨慶賞陽春和煦山川尚

獻休徵復旦文明天地皆呈道
寶宜乎高文典冊顯苞符而仁
手凌雲通德達情仰霄漢而懸
心捧日旣獻賡賜之表復多密
勿之封論事則和溥仁言參政
則要存大體考績循舜典三載
有期董正法周官百僚乘曠其

薦達也青霜飛乎白簡若夫典禮正
樂制度孝文清廟明堂備簋簠
璉瑚之器膠庠太學儲鸞鳳祀
梓材之寶學崇而偽體裁經術
明於虛觀醇侯傳而良史出書
法仿乎龍門紫微潛德之幽光

秋彰美闡蓋忠之顯節一字褒
榮耀德觀兵濟文必兼修武取
林講事衛國即吼衛民命將行
師軍雄鵠鸞運籌策氣仁熊
羆霆擊長鯨計出囊沙之妙算
風清伏莽火奇謀飛
檄招安師稱貞吉焚香約誓兵

曼所仁或秉鉞以臨邊寄重北
門之鑰或建塘而捍液射迴西
浙之潮頗牧在禁中佩蘭有記
何响守關內輓粟無窮開阡陌
於遐荒黃沙綠墅畫井田於絕
域紫塞青黃暉鼓擊笙吹奉兕觥
者公堂獻頌飲馨樹潔扶鳩杖

卷之三

者化宇蒙休格誕安之衷所型
仁謀讓示蕩平之正衛易俗移
風定制簡則易從冊繫苛之峻
網約法踈而不易漏杜澆弊以萌
芽推神禹泣車心曙黑喙而
懷惻隱體成湯解網之意見赭
服而起哀矜嚴捕務則雀苻肅

卷之三

頌

清所保甲則閭閻靖謐且也餘
三恒足茅簷安耕鑿以天取一
有經倉廩富常平以貯杜預號
為甚庫損益得中張節稱是書
樓盈虛善酌間鴻嗷而蠲貸兼
施雖歎歲如逢樂歲而蠲貸兼
鳳詔而曜容早切緘禩丰無異

黼

豐丰府液之利可因波整白雪
官山止法具在鼓鑄青泉瞻蒲
望杏沛邠雨於郊坳剝棗亥葵
繪幽風于邠雨於郊坳剝棗亥葵
座民隱必燭心周畢雨箕風民
依是圖靈效冰夷液若防秋則
算無遺策禦冬而蓄已先儲元

君恩

斯樞要以建言寔切本相之大
計文條理幹何慚賈茂董醇旨
遠詞明悉本周情孔思用流傳
於朝野誠涵盖夫古今標少研
經術壯治法言有志景行勤求
章奏或抄錄于邱報或採挹於
書林積笥盈函多鼓君澤民之

策連篇累牘萃揆文奮武之謨
憶前秋躬荷車水職冀日身親
輸粟技倅車水職冀日身親
民事試研秉圭臬之師筵廿
率雖操觚以未輟韋編一帙如
窺管之多踈數約八百餘篇區
門別類釐為四十八卷列目提

六代
至

綱藉徵政事之經權畧識章程
之本末括獻典獻書獻箴獻賦
之旨高挹羣言通曰都曰俞曰
吁曰咈之經合為一理金甌輔
奠遐哉
之宏猷玉燭恒調允矣萬幸之
治術充己丑秋蕭山朱樓謹識

國朝奏疏凡例

一名臣奏疏皆致君澤民之策名昭汗簡炳若長庚古
勳華之盛惟於臯夔許謨中見之其為文也鉅矣豈
僅刻玉鏤金傳誦一時已耶我

國家治媿唐虞宗臣碩輔佐

聖清之光明者代有名賢嘉謀嘉猷足垂千古
樞草茅下
士陋若葑菲仰止高山中心嚮往顧

廷臣建議密勿難聞惟於名公卿遺集及歷年邸報中
見其名言謹論實有繫乎



國計民生者手自抄存二十年来積稿盈笥今則編次成書釐為四十八卷雖蒐羅未富亦足以見

熙朝治道之大端此外循例奏報之章尋常入告之文概未採挹

一是編立八部之總綱一曰賡颺二曰職制三曰典儀四曰武備五曰政教六曰刑法七曰賦役八曰經野總綱既立細目復分計類三十有三庶幾羣分類聚理貫詞聯

一編中章奏原係陸續抄存初不計及何類繁富何類簡畧今則析目分綱多寡始見爰設分編合編附編之例如吏治之與官箴水利之與河工可合而分者為其繁也制禮之與作樂征勅之與撫綏應分而合者為其儉也承襲附於選舉服制附於禮樂為其僅也析離併附良有以焉

一編中有未設附編之名而隱同附編之例者如請毀前明逆閹墓碑此鋤奸于身後也而入於糾劾又如宣示阮藩歸國謝表此撫定於曩時也而入于勅撫諸如此類其事雖異其理實同故隱附之

陳謝上

賡颺卷五

陳謝中

賡颺卷六

陳謝下 附遺疏

職制卷七

諫議上

職制卷八

諫議中

職制卷九

諫議下

職制卷十

考績

職制卷十一

選舉 附承襲 留任

職制卷十二

糾劾 附歸籍 外補

典儀卷十三

禮樂

附服制

典儀卷十四

祠祀前

典儀卷十五

祠祀後

旌揚

典儀卷十六

文事

典儀卷十七

學校

國家圖書館, NATIONAL CENTRAL LIBRARY, TAIWAN, R.O.C.

武備卷十八

軍政前

武備卷十九

軍政後

武備卷二十

勦撫前

武備卷二十一

勦撫後

武備卷二十二

邊衛前

武備卷二十三

邊衛後

武備卷二十四

海防

武備卷二十五

屯田

政教卷二十六

吏治上

政教卷二十七

吏治中

政教卷二十八

吏治下

政教卷二十九

官箴

政教卷三十

宣化

政教卷三十一

國家圖書館, NATIONAL CENTRAL LIBRARY, TAIWAN, R.O.C.

荒政前

政教卷三十二

荒政後

刑法卷三十三

律令

刑法卷三十四

恤刑

弭盜

賦役卷三十五

徵輸前

賦役卷三十六

徵輸後

賦役卷三十七

倉儲前

賦役卷三十八

倉儲後

賦役卷三十九

漕運

賦役卷四十

鹽政

賦後卷四十一

錢法

經野卷四十二

農桑前

經野卷四十三

農桑後

經野卷四十四

水利前

經野卷四十五

水利後

經野卷四十六

河工上

經野卷四十七

河工中

經野卷四十八

河工下

國朝奏疏卷壹

廣颺

慶祝前

請舉 皇太后八旬萬壽慶典 禮部

請舉六旬 聖壽慶典 同前

請舉八旬 聖壽慶典 禮親王

又 永瑋

請編八旬 萬壽慶典 阿桂



賀平準噶爾

黃廷貴

賀平伊犁

莊有恭

又

尹繼善

賀哈薩克回部納款

又

鶴年

賀逆囚冥戮

阿爾泰

賀平大金川

兩江總督

賀平金川

畢阮

賀底定兩金川

顯親王

又

奏為

禮部尚書臣某等跪

請舉 皇太后八旬萬壽慶典

慈 宮介壽請舉

慶 典事欽惟

皇 太后祥鍾華渚協坤元而德應無疆瑞啟瑤光符泰運而福
增有慶

錫嘏則

九重週甲允洽

鴻

禧授時則

袞開天肇新鳳紀

彤階日麗萬年趨長樂之宮

冊雲輝八表頌恒春之宇欽惟我

皇上治致庥嘉

禮隆尊養

推錫類而金租屢貸廣必世之豐綏

廣作人而珊網宏開迓維祺之

壽考

大

璇閨介祉天符永映於弧南繡甸歡迎仙杖遙來於斗

北臣等伏請恭舉

慶典禮所有王公等以下應照例進獻禮物理合先期

奏

聞俟

命下一體傳知將進獻禮物數目預行報部以便屆期

奏請排設進獻至一切應行事宜臣部敬謹詳查

次第辦理

宗廟

社稷至日

御殿受賀等語欽惟我

皇上道契羲圖化隆軒鏡

懋凝承以膺

帝眷保佑命而更申

備尊養以奉

慈輝祿位名而兼壽際

重熙累洽之運旦明時勅幾康擴宅中無外之模海宇咸歸

丕冒茲當

御極三十五載恭逢

聖節萬壽六旬履畝蠲租首布元正之令闢門額後廣開甲

乙之科捧稠疊之

溫綸咸式歌而且舞溯遭逢之

異數實至再以逾三我

皇上愷澤覃敷冲懷彌盛陳獻屢進夫申請

臨軒特飭羣工儀文

詔準夫舊章服絲乃循七日以越歲

慈

禧茂慶正

璇宮迎釐介景之辰於茲時臚綵承歡遂寰宇祝嶽呼嵩之

願推

恩用錫有大而謙聿昭

至德之光自裕維祺之壽臣等渥承

元化幸屆

昌期欣億萬千百之春秋自今伊始合日月升恒之歌頌以

莫不增芹表共協於八埏葵悃尤殷于百爾臣等照例

恭請於

萬壽聖節前一日

遣官祇告

地

廟後殿

稷奉先殿遣官由太常寺內務府奏派應辦事宜交各衙門

敬謹辦理至日

皇上親詣

太后宮行禮後恭請

皇上升

太和殿諸王內外臣工拜

表慶賀筵宴恭候

俞允臣部行文各該衙門遵行其一切禮儀照常辦理所有
應進儀注臣部會同吏部屆期

奏

聞

請舉八旬 聖壽慶典

和碩禮親王臣永恩等跪

奏為

慶集

昌期歡臚率土敬陳積悃願覩

隆儀事欽惟

皇上

福備箕疇

治光軒紀慎厥修而思永

寅紹丕基久於道以化成緝熙

純嘏建極保極會運世乃統於元天生廣生祿位名必得其

壽粵若紀逢開甲萃一堂

五代之祥洎茲歲叶先唐肇

萬歲八旬之慶

功文極於魏煥

典禮觀其會通瑞軼古今歡騰中外溯自

豐規則大苞符著乾健之文

馨德升中圖錄演泰元之美業兼守創績

洪

緒而仔肩統合

君師徧芸生而在宥

神武則星源月竈隸漢唐宋元明莫隸之方輿

人文則奎藻雲章開唐虞夏商周末開之丕運况復

父母羣物天地一家惠我有孚所其無逸東作西成之補助

問夜求衣先河後海之宣防秉春蒞

蹕罷催科於廬井鈔租普免者三停轉漕於舡艫玉粒全

蠲者再千百萬

帑金

八卷通山自
疊沛發

綸言而山積泉流卅四科黃榜聯開顓髻後而雲蒸霞蔚是
以九流仰鏡翊鞏固於金甌六氣調鈞

賚延洪於玉券蒼緯應房心之位

德乃福基紫垣明角亢之占

仁為壽體際溥龐之懿軌惟讓

善而弗居臻盛美之上儀洵推

恩其有自

錫類廣

施仁之量

典勿參於

五旬六旬

單心裕丕基之原

幾恒救於一日二日迨夫

古稀躋袞

昊貺增庥千載一時萬方同慶瑤源毓祉曾元綿姬徙之庥
翠瀝流甘耆耆普堯尊之惠珠囊錫羨未足摹繪光華
玉檢芝封詎能鋪張英茂顧廼道冲為用播

鴻名而莫能名

澤免無疆

施美利而不言利謹德隅而念典

黃屋凝旒凜心矩以

敷言丹書陳宸時幾文懿昭祐助於

穹儀弗祿允康席純常於

景祚太和所謂道惟久則徵嘉會得其亨於斯為盛洪惟

椿紀迓上章之歲覽揆延禧蘿圖應

曼壽之辰期頤兆瑞披廿二朝之甲子享國疇如三代以前

統八千歲為春秋

介年初度百分之一實鳳籥龍編所未覩洵電樞星渚之莫

京猶復

謙德彌尊

淵衷並懋際累洽重熙之世華祝三辭

塵持盈保泰之懷幽觥再讓典隆法

考鴻章而已辰廿年祐篤承

富

鼎錄而粵開萬禩雖元功不宰大鈞昭易簡之符而協氣所

天祖

蒸寰宇切

尊親之戴驗風受吏梯航無間於遐俶獻曝酬

恩舞蹈不遺於編戶沐

陽春之煦育草木負其蕃蕪覩復旦之文明星雲呈其紉縵

揆厥感孚之理倍萬歡騰準諸協應之情大千讚誦臣

等幸依

黼座常侍

彤廷仰

睟穆之

天顏康疆逢吉祝

升恒之

聖竿福祿來崇

壽宇偕遊頌禱罕徵諸史牒

恩暉久被瞻仰彌篤于班行切為鞠臆稱觴共志循陔之喜

矧夫賡颺拜手羣伸聯陞之歡荷

燾載之

深仁效抒誠於葵藿普垓埏之至樂擬祝

嘏於臺萊伏願

俯順輿情踵修

鉅典集千春之

慶祉量海福海以添籌合九萬之歡心測恒沙而益紀庶幾

郊遊陬集成應

帝期巷舞衢謠交陳

王會九萬里圓顱方趾褰裳採鷓鴣之區三千叟皓首龐眉
扶杖集龍鸞之隊臣等實深踴躍歡忭激切屏營之至

請舉八旬 聖壽慶典

某省將軍督撫等臣永璋等跪

奏為

聖壽凝禧輿情積忭敬抒誠籲共懇

恩俞事欽惟我

皇上福基自德

壽本諸仁積壽開七袞之初既超六帝而治功甚遠

握錄越五旬而外更後三代而往牒未聞仰

敬

天

祖

法

愛民勤政之心予億兆人以共見臚

文德武功剏制顯庸之盛累千萬牘而難窮莫贊一詞難
抒衆志達下情之忠孝彰上瑞之苞符必

有德其乃有心日以頌實斲以祝竊以天皇萬歲史臣喜
紀其春秋黃帝百年大撓慶編其甲_子堯髦期而勤著
嚮壤效歌舜大德而壽符星雲同慶雅賡戩穀微日
長川至之祥幽晉無疆躋朋酒羔羊之獻允合詩書

之古義真由草野之至情我

聖主久道化成惠心元吉

撫綏黎庶則蠲紓賑備之不絕書覆冒臣工則

教誨成全者亦多術特科廣選三雍

澤被於縫衣日廩月糧伍廣

恩周於衲服極天所覆偕一十七省而共樂舒長入人也
深閱五十二年而彌加淪浹允平日之塗歌巷舞咸

欽

有道聖人際

昌辰而膜頂焚香同依

無量壽佛前值

古稀之鴻慶並殷祝嘏之蟻忱

皇上謙德示冲

天懷崇儉念切於

君心民體知兆姓有願稱觥樂惟在吏畏民懷

諭列服無庸詣闕莫展祝

釐之典仍邀行慶之恩維

天地為心如父母不言施報而歲月以異即愚賤亦具性

情含意未申久懷欲吐事豫則立積七年當後甲之
辰誠感而通則期

萬壽值先庚之歲虹流電繞箕疇備五福之堂日升月恒
軒紀周八旬之算蘭階就傳蕃椒衍德之益臻

楓宸勅幾食旰衣宵之逾劬日又新而富有天不息而貞
恒八卦生八卦成八八紀大衍之策五天數五地數
五五居河圖之中運悠於乾清坤寧慶洽乎上蟠下
際皇春帝夏闡壽寓而皆遊卿月民星望春臺而共
上虔思引領肅布齋心歲序逢春在蟲鳥亦鳴其豫

羲娥正午凡天翹莫閱其榮山尚呼嵩嶽之三水解
向朝宗之四况乎三千人叟宴引

熙朝長養之年亦有二百户元孫羅

盛世蕃滋之衆銅鳩竹馬各懷益壽之心極北孤南併作
稱觴之字自

天子所莫不尊親為

聖人祇偕未奔走軒平舞鬢手鼓音如大海潮音暢者垓
溯者埏數比恒河沙數願乘嘉會樂舉上儀叶萬世
之逢辰先三秋而卜吉相小民之年及歲尚邀東帛

之頌如赤子之壽其親猶効萊衣之舞芹雖微而可
獻曝亦寫誠葵以賤而知傾日能迴照臣等情深愛
日職在宣風仰秉乾出震持謙保泰之衷康強逢吉萃
東漸西被北燮南諧之悃聲教大同採自輶軒民之
情大可見酌言康爵

天之聽且弗違仰懇

俞音獲成盛禮粵惟述

祖
德期已展於廿年從此祝

聖人典更隆於萬度歛厥福錫厥庶五

皇極而道乃會歸南有臺北有萊

萬壽祺惟民之父母茲據官紳兵民等合辭歡額前來臣
等謹會同繕摺具

奏伏祈

皇上睿鑒施行

請編八旬 萬壽慶典 乾隆 年
大學士公 臣 阿桂等跪

奏為

大慶祝釐上儀紀實恭請編輯

萬壽八旬盛典以顯芑符以光冊府事欽惟我

皇上乾行合撰隆運重熙億禩昌辰篤若木樛華之瑞萬

靈慶會臻常羊荆馬之祥年三登而計

帝期綏以多者歲豐人樂

壽八旬而躋仁域游于宇者詠德含淳

至誠之悠久無疆冠百王而首出

皇極之康強逢吉膺五福以大同豈惟子如黃妣挈喬齡
而莫並亦越炎羲巢燧輸景祚以未逢洪惟五十五
年恭遇

八旬萬壽九五演易九五演範疊五策天地之全八千歲
春八千歲秋積八入宮商之頌嶽輸川效集萬有以

承

歡萊北臺南寓羣情而請祝仰蒙

睿鑒俯賜

俞音方當鱗集鳧趨披鯨國鷄邦之悃矧繫簪毫濡墨綴

西清東閣之班切以三皇各歲萬八千史臣勒之古

牒伊者在位七十載虞典首於尚書姬公尊迪哲之

人表殷宗之克壽宰我論德繫之說問黃帝之永年

肇聖節于五日之絲囊上寶書有千秋之金鑒皆傳

紀譔布在縑緗粵稽康熙癸巳三月之辰實惟

聖祖甲子六週之度時故事允臣工之奏成厥編誌盛美之

模我

皇上率

祖 攸行自

天 申錫凡一二日

教幾之罔暇悉

家 法以丕承况二十年稱觴之展期廣舊章之成憲宜煥琅

編之色重宣瑤籙之光惟是躬握治平心叅造化敬

天 法

祖 勤政愛民內聖外王之規細目宏綱之綜秉文德則文二

集詩五集彙全書四庫而為昭鑠武功則平準部蕩

回部綏金川西番之者定孚慈惠而司農之籍竿億

萬以全蠲考制作而太史之書監三五而大備具載
左言右動之記註且經

帝 典王謨之發揮大莫名

天 小難言

聖予億兆人以共聞共見民可使知取二三策曰稽舜稽

堯書不盡意茲臚盛典取協

壽符昔時讓善為懷六甲慎恒言之禮撫謙皆吉七袞謝

獻吉之文犀志未申九秋以異漚籤羅於二酉叶環

轉于重庚擬以今衆所陳昉自

古稀之說十年一集由七旬至於八旬

萬歲三呼積初帙累為億帙倣前書而一例攬全部以六

門首弁

宏章次掄

聖德崇閱教典

恩施普記於環瀛點染成圖歌詠備呈於擊壤均踵事以

徵後

先之合撰兼旁通以耀

作
述之加隆更有績著邇年目當創始騰膚功之遠播撮盛

事之嘉祥則若掃芑耕於石峯戎無伏莽築鯨鯢於

鹿耳海不揚波滇徼逋首誓酬

息而納贄日南舊國感申義以親朝高勾驪拜尚齒之筵
布魯特跪長年之婦暹邏斛國刻新印以冊封屋鼉
社番增故圖之職貢總本

精神之康裕蟠際絃埏益彰赫濯之

聲靈彌綸宇宙况廼制邁法古兆每應期

五代同堂豐庭闈之衍猷十葉以外晉階級之本支嘉筵

紹於

彤墀老吾老及三千叟太和光於節屋孫生孫者二百
家辟雍道德之流講仁敬而詮更老黌舍園門之表
西鎮廸而東興桓耄耄觀光

賜秋試春闈或罷官而登第期頤綿算

賚天章奎畫增繡段與朱提望吉帛之晨飄塔如繞佛啟

綵衣之冬蟄蝶亦能仙雖

盛世不侈瑞應之圖而

壽宇自副吉機之下蓋嚴恭寅畏所其無逸彌培曼羨之

原斯

聰明睿知足以有臨倍切尊親之戴丕冒海隅出日壽考

且寧大亨天下隨時會歸有極歌太平於既醉萬年

頌介昭明

純嘏以來同四方民大和會抑戒百歲譜全詩入

殿左之絃禹貢九州序彌文惟土宜之獻於

彝訓歛而敷錫隨

聖政先以編摩作為一經軼虞夏之渾渾爾垂諸萬世揭

日月之昭昭然臣等願積瀛籌身依

天咫值駿龐之慶雲動風翔陶鴻朗之基溟長嶽固乾坤

有象繪豪素以非全章海難量舉跬步以矩足擬竭
方隅之見強稱大道之名奉三無私
聖人之作也如覆載照致四必得

昊

天其子之以保佑申請誦六章之詩川至日升月恒山阜
岡陵松柏之茂敦九功之叙利用厚生正德水火金
木土穀惟修久道以成義存乎先勞無倦

神明而壽理徵諸莊敬日強虔抽鱗管之編共籥兜飭之
什潤色未工載筆尚仰稟於

文思鋪張匪事摘詞但實陳于_乎郅治抃攄衆志翹瀆

聖聰謹合詞恭請伏祈

恩准施行臣等無任歡躍待命之至謹

奏

Blank columns for text in the right-hand section of the page.

賀平準^定噶爾 乾隆二十年

四川總督 臣黃廷貴謹

題為

天威遐暢底定殊方恭疏

題賀事伏維

帝德覃敷率土恆尊親之願

聖謨廣運普天增式廓之圖侯甸要荒盡耒

王而來享東西南朔已志

主而志臣四海歡騰萬方慶溢欽惟我

皇上

道普八埏

功覃九有

輯共球於萬國

載績武功

舞干羽於兩階

誕敷文德固已扣關款塞史不勝書航海梯山踵相接矣

豈期遠瓦齊之尊甘自外於生成渺茲準噶爾之區尚

虛懸於疆索往者渠魁肆惡部曲懷疑既慕義而東來

投誠內附復願導而西嚮奮勇前驅咸感戴於

聖恩求剪除其戎首衆情共憤豈能坐視於水深火熱之時

罪惡已盈亦難姑恕於

化日光天之下事無可緩機有可乘

皇上乾綱默運

徹始終而預有

成謨

離照當陽

周遠近而毫無遺算

功成一旦靜排衆議之紛紜

策定

九重如睹夷情之擾攘用范韓於塞外皆殫力以從行識頗
牧於禁中咸同心以破敵調兵有數何須驚鴨千羣任
將無疑不假貔貅萬隊而且申嚴軍法閱四月而民不
知兵獎勵戎行越萬里而士皆用命既不驚於安堵更
無犯於秋毫所以單食壺漿迎者有貫魚之狀曳兵棄
甲居者成窟鼠之形伸螻臂於車前何從措力聽蛙鳴
於井底豈復成聲既搗其巢遂平其地此則天開地闢

尚留此草昧之經綸舜紀堯階未睹此

聲靈之赫濯也從此殊風異俗悉陳

王會之圖絕域遐荒俱入職方之紀洵屬

聖朝鉅典實為亘古罕聞臣身繫西隅心依

北闕聽凱歌之雷動喜溢官僚切舞蹈之情殷歡騰兆庶

伏願

太和廣被

至治丕臻

大一統以示

示無外之模金甌永奠

綏萬邦以協屢豐之應玉燭常調臣不勝踴躍歡忭之至

理合恭疏

題賀伏乞

睿鑒施行

賀平伊犁 乾隆 年

某省巡撫 臣 莊有恭 誠歡誠忭稽首頓首

上言伏以 云云 欽惟

皇帝陛下八紘靜塵十洲澄鏡久已填廬山于赤縣擁狼
望於黃圖惟準噶爾部落遠恃流沙荒驕大漠屢稽
質子不供色茅我

祖萬乘親征掃蠭蝟之絕塞我

世 聖 宗五兵暫戢貸烏鼠之餘魂如後漢之與南夷七擒七縱
比延光之于西域三絕三通未嘗不以丹水之師遠

期伯禹崇墉之伐深望姬昌也今達爾札自嚙焦黎
達瓦齊形同尸逐牛羊不壯知奚厥之將亡魚鼈無
橋識東明之不渡坐金林以望太歲星拱中華祀羶
斃而問大神巫誇漢威是以車楞烏巴什與阿睦爾
撒納等或舞天先至或嗅地旋來當是時也五幡遺
孽只用箠笞九塞旋風但需鞭打倘杜崇拒單于之
上表則安國必捲帳而自驚班超還疏勒而先歸則
恭弇以遠漢而自剝懷皇仁者雖歌樂木議國事者
爭棄珠崖

聖上以為非常之原黎民所懼先幾之務惟斷乃成在貞
觀之拒康居雖云量力而建武之辭西域終少雄圖
乃射苑竹以卜西羌推棋枰而決大策韜盾一戰龍
麗十重網設周陸軍歌鐵鉞以黨項為前導故知吐
谷之風沙假北隼為疑兵遂抵焉耆之巢穴周道如
砥漢將皆飛反首笈舍而奔者膚行如風繩行沙渡
而未者視道若咫收黑山四百三之部落耀朔方十
八萬之旌旗雪嶺橫天上下搜而全無虜跡賢王伏
地左右視而都是陪臣築三受降城置五屬國府使

漢家長無北念信國中果有聖人數武庫之兵未遺
一矢計鬼方之克何有三年檄傳古莽而猶驚碑借
崑崙而尚小凡魚支之鞞婆駝之樂鼈封三日權扶
兩頭朱蒙為河伯外孫老胡號大荒樸父靡不分頒
將士布列郊圻圖王會于明堂坐舌人於門外陳牲
告廟慰

聖列

祖在天之靈普冉承歡加
母深宮之膳提書夜至羣臣悟怯戰之非
恩昔朝頒天下以從軍為樂臣伐吳定策既有愧于張華

平蔡刊碑又有慚于韓愈願譯歸義之章隄官隄構
更歌奉聖之樂獨鶴琴驪庶申雀躍之忱聊補鏡歌
之闕臣無任瞻

天仰

聖踴躍懽忭之至謹奉

表稱

賀以

聞

Blank columns for text in the right-hand section of the page.

賀平伊犁 乾隆 年

兩江總督 臣 尹繼善 誠歡誠忭 稽首頓首

上言伏以 云云 欽惟

皇帝陛下 一人有慶 五嶽無塵 海水不波 問摩訶無使者
青雲干呂 知中國有聖人 固已絕地通天 瞻雲奉律
矣 惟準噶爾夷部 僻處西陲 跳梁沙漠 稽兩朝之文
化 煩

列

聖之天心 楛矢來庭 則許甘松之互市 赤囊報警 則鳴琅
鐸以專征 張弛異宜 德刑兼用 今天誘其衷 神厭其

德達爾扎與達瓦齊等篡試相仍風災迭起撐犁不
識敢倚天驕朝定無人自然烏散車楞吳巴什等率
衆投誠阿木爾撒納等領軍踵至或吹蠡身使或虜
面請兵或失鉢請除一官或燒當願當一隊國中牛
馬盡向南眠天上旄頭早看星落我

皇上擴覆載之仁不置遠方于度外運照臨之智早志此
虜於目中于是牙璋先頒金玦獨斷贊秦州之伐惟
裴度一人計烏桓之兵屈陳湯五指從竈搔除瀚海
取灰盤指畫天山歸漢封君敏關者即加顯擢袪衣

作衛鳴鏑者俾作先驅西北分兩道之兵聲勢動九
天也上如太陽之沃霜雪所過皆消譬久旱之得雲
霓歸來恐後蛇矛未試銀鵠先奔逐窮寇而狐尾頭
底低草降書而羊皮紙盡但振六師而返不見一虜
而還萬馬禁聲盡解鞍而蹴踡諸夷無事將買犢以
耕耘開墾門招壤奠之臣取流沙為附庸之國惟聖
人之德大斯不怒而威亦王者之功高故有征無戰
踐龍庭之草露偃春風出玉門之關花開內地伏念我
祖遠滅延佗河西遺種我

聖

世祖

宗窮搜靺鞨黑水留州凡

宗累年未竟之貽謀皆

皇上一旦纂成之鴻業金山擒車鼻本文皇漏網之魚渭
水謁單于慰高祖平城之憾被我純績戴我金犀飲
朱提者三千人而未乾

置驛遞者六百所而更遠從此受降城下新來冠帶之
民都護府中不用防秋之策禽黎呼毒望

氣未庭煎鞏黃牝聞風請史拔銅柱以掃地取金人而
祭天化此輩為孝子順孫何嫌荒服呼中國為仙宸

帝所都恨來遲臣職任兩江神馳

九陞想北闕凱旋之日正南風解愠之時愧臧旻之才過
數三十六國譯朱普之句敢增千百萬言一曲鏡歌
聽策勲於太史兩階干羽願增喜於

龍顏臣無任瞻

天仰

聖躋躍歡忭之至謹奉

表稱

賀以

聞

賀受哈薩克回部納款 乾隆二十二年

臣某等跪

奏為

仁威遠布回部輸誠同伸賀悃仰祈

聖鑒事欽惟我

皇上神算無方睿謀先覺陽舒陰慘不言而四時成文德武功有作而萬物覩規雄圖于教內制兵要于事先風偃雕題化流窮髮仁恩翔洽有血氣莫不尊親智勇遐宣暨朔南咸訖聲教定伊犁于指顧震肅九圍收各部于

遐荒歡呼萬國穹廬落燼未驚楚幕之烏同甲揚灰不
淚嗚淮山之鶴箱口之馬僨車而繫者千蹄勢面之人輿
尸為俘者萬指角羸耳濕盡獲其牛羊山積雲屯大收
其車乘棄甲遍野降旗載途莫不威若迅雷勢如破竹
協入謀之允若驗

靈貺于昭然矣惟茲西哈薩克者聚族類于要荒古來傳其
臣服寄生死于絕域志不紀其方隅今以一旅之招竟
效三軍之順望下風而羅拜誓輸款關獻責之誠頌我
后其來蘇願服食土踐毛之化遐藩已傳檄而定膚功無折

箭之勞皆由

皇上天威遠震聖德旁敷乃收萬國于咸寧益慶

王師之不戰恢此茲疆索陋前古之規模載以簡編彰
聖人之神武蓋咸賓之世六合為家有道之長四夷是守懷
生無不遂之性率土承有截之風敕以受降之期爰行
大閱之典觀兵耀德使知

聖主之仁威帖耳輸心彌凜軍容之震肅從此草心羊面坐
井者呈身無敢跳梁請貢請封集庭者稽首有崩角臣
等仰承

聖武罔測

神功兩階瞻干羽之輝萬里度藩籬之固挽天河之洗甲慚
無間外之才對宣室而借籌莫贊禁中之畧頌歌無盡
忭蹈非常為此合詞恭伸賀悃

賀哈薩克回部納款 乾隆二十二年

山東巡撫 臣 鶴年 謹

奏為

天威遠播邊徼輸誠忭舞難名普天同慶事欽惟我
皇上

文命遐敷

武功大定

挈網維而建極絕域傾心

播聲教以同風窮荒向化納八埏而彌六合恚

主恣臣咸五帝而登三王丕承丕顯前者天戈南指準噶爾
既革面而革心茲聞

帝綽遙頌哈薩克盡願為臣而為僕稽諸史冊即漢家大苑
之名攷其山川實瀚海流沙之外獻渥洼於太乙於今
盡入版圖貢首著之闡于此日咸遵

正朔統日照月臨之廣莫不尊親極梯山航海之區疇非
黎庶南船十字何星不拱辰居赤縣神州有水皆趨溟
渤允煥宅中之

盛烈式昭無外之

鴻模臣幸覩膚功彌彰

廟筭格西陸而底定目窮納日之鄉瞻

北闕而凝禧喜溢光天之下名言莫罄歡躍靡涯臣奉職
封圻不克隨班行禮謹率同司道等官望

闕叩頭慶賀訖所有微臣踴躍歡忭之私理合繕摺恭

奏伏乞

皇上聖鑒

Blank columns for text in the right-hand section of the page.

賀逆首冥戮 乾隆二十三年

山東巡撫臣阿爾恭謹

奏為

天威遠震逆伏冥誅絕域輸誠普天同慶事竊逆賊阿睦

爾撒納以窮感無依歛關來附乃負

恩逃匿屢肆跳梁我

皇上天威震怒義問光昭電掣星馳飈奮霆擊既盡殲其

其醜類復追殛其游魂遠竄遐荒苟延片刻實不容

於

憲典爰致憾於鬼神顯戮方彰冥誅先伏猶慮賊情狡
獍更蒙

睿照精詳雖盡恚情形必力追骸骨羽書再下絕域驚惶
俄羅斯仰怖

嚴威恪遵前約昇旣獻

闕大快人心從茲萬里澄清部落享昇平之福邊氛永靖
羣生蒙衽席之安我

皇上

駿業維新超前軼後

鴻猷式廓遂歲五登三版

列
祖未竟之規模衍奕禩無疆之土宇稽之史冊前古所無
攷諸版圖於今為烈

楓宸瑞藹百爾歡騰紫塞風清萬方喜溢臣奉職封圻不
獲隨班行禮率同在省文武官員望

闕叩頭慶賀所有踴躍懽忭微忱理合繕摺恭

奏伏乞

皇上聖鑒

賀平大金川表 乾隆

兩江總督 臣黃 誠歡誠忭稽首頓首

上言伏以天地生成溫肅並行之謂道皇王敷化神武不
殺之謂功德至聖則股肱之効力也神化極隆則宇宙
之包容者大欽惟

皇帝陛下秉神機而理百度握金鏡以御四方震旦國中全
輪光湧指南車上鐵轆痕消久已四海鶉居八荒蛾伏
乃逆苗莎羅奔良爾吉等夜即自大邛竹未供懷駒支
漏洩之謀走爨翫蠶叢之路以為湯升陬野巢伯可以

不朝禹會塗山防風且將後至

皇赫斯怒我武惟揚街亭撤馬設之軍巴蜀用崇文之將設
金方一道從枕席行師聚米殿前早見泥丸之狀借籌
關內預知沃雪之功蓋王者之兵原不得而後用非常
之將亦秉成訓而始行則有經畧臣傳恒穆行忠矜義
心清尚雷符星斗光顏自有旌旗干櫓戈矛賀齊別為
文畫磨劍則崆峒飛雪彎弓而太白揚眉金累為之開
山黔羸為之領畧路斬皇甫文之頭先除謀主超張須
陲之柵多用奇兵百尺井闌射公孫樓上千羣火雉投

姚襄陣中周訪之兩甄忽鳴光弼之三麾至地山形拔
而不假五丁之力天網密而但求一面之開正月初六
日逆苗面縛詣大軍乞降當是時也雲捲天衡日生倍
瑤砂能表赤大書北向之旗水尚知歸敢射南飛之鴈
在諸將以為獸將入檻雖搖尾而法無可寬在

聖人以為鳥已含環既投懷而情難盡殺蓋當日之興師也
原非貪其土地人民而必置之于死故此日之受降也
實不忍其悔過服罪而姑宥之以生于是廷光城下馬
燧披襟回紇帳中子儀免胄歎徒庸至捧牢賞以趨蹌

穢人免啼擊蒙排而泣下俟錢賓布爭貢包茅渝舞
巴歌長賡樂木赤眉得不死之詔南人無復反之心
火鼠窮郊留將軍畫像元蹄外境傳露布風聲羣搖
聽飲至之文吹蘆相告野老讀班師之詔鼓缶而歌
大凱未旋策勳告廟此皆我

祖

宗在天靈爽暗靖妖氛我

聖

母覆物仁慈挽回和氣故能有征無戰惟斷乃成念切顯

揚式崇

徽

號宣仁家法安邊塞於宋朝太姪徽音贊崇征於周伯輝

生寶冊喜溢彤庭臣未列銀刀空名節度願供金版

上佐秋官羌女呵陵曾隸韋率之籍夷男始艾愧無

仲郢之功遠百辟之班聯心知舞蹈獻

九天之春酒花滿江南臣無任瞻

天仰

聖躋躍懼忭之至謹奉

表稱

賀以

聞

賀平金川 乾隆 年

陝西巡撫 臣畢沅跪

奏為恭陳賀悃仰祈

聖鑒事本年十二月初九日辰刻紅旗馳遞過陝

天威震疊噶拉依賊巢已克金川全境蕩平俘馘同獻

洪勛迅集大凱言旋 臣幸際

昌期莫名歡忭欽惟

皇上神武懋昭德威遐被綵乾維而恢輿籍秉泰道以啟
華封億千年濛汜之區光開日月數萬里狂榛之窟

氣翊風雲境為亘古所罕通事屬生民之未有蠢茲
小醜僻處窮荒星象參旗天界中華以外河開玉斧
地逾兩戒而遙而迺自絕生成敢辜亭毒

殿前聚未勞

宵旰之

神謨閭外借籌昇輶戎之騰奠計鬼方之克期以三年肆
獵抗之攻棘於六月懸車束馬堅礪累陷夫蠶叢特
角攻心絕塞先傾於鼠穴慄彼勒烏圍潰早兆烏空
憤茲噶拉依堅重勞朽拉雖窮猿入檻勢無異於成

擒而黠鼠跳梁曲尚遲夫寸磔惟我

皇上整不庭之斧

授決勝之符嚴申兩路之雄師重誓九司之勁旅兩礮
風旌之下厲彊騎以無前繩橋竿渡之間出兇渠之
不意心識孤虛遁甲有日開山勢成電激星馳尅期
掃穴從天而下先聲大振于建瓴絕地以通要害遂
成於破竹負罪者孽由自作旣落距而摧牙懷德者
誠有同歸更聯肩而接踵大鯨鯢而小梟獍駢頭甘
後至之誅左干戚而右鏡簫渠首獻前驅之縛安全

景陵

臬散撫慰華離築三受降之城置五屬國之府諸番
無事將買犢以耕耘萬馬不嘶盡解鞍而蹠躩由是
策勲飲至諏禮陳俘歌杖杜以勞還師設苴茅而酬
專閭遵謁

之曲報

祐於珠邱展禮岱之儀勒鴻庸於玉檢銘勳

闕里揚大烈於億萬斯年行慶齊州合歡心于千八百
國此皆仰賴

皇上神機獨運

睿炳先幾自陳師

命下之初暨整旅還軍之日決謀定策胥由五夜焦勞汗
渙言傳咸出

九重經畫有征無戰惟斷乃成罄地陳圖指萬里如逢几
席窮天立界信中原不盡提封茲者勝旅馳旋捷書
迅至六軍鏡吹新翻巴夔之歌萬姓壺漿爭獻耶筒
之酒三峯華嶽待歸馬於秦垌四扇潼關佇駢駟於

周道緬

天上佳音之至正春明

啟蹕之辰

豹尾蜺旌間玉戚朱干而彌形踔厲長揚細柳映青旂
翠蓋而倍覺飛揚莫罄形容惟知舞蹈謹將歡忭下
忱繕摺具

奏伏乞祈

皇上睿鑒謹

奏

賀底定兩金川 乾隆 年

王公滿漢大臣和碩顯親王臣蘊著等跪

奏為

聖謨廣運平定兩金川恭聆捷音同伸賀悃事欽惟我
皇上

德暢無垠

威稜有截

挈天紘以廣覆照臨同仰三光

環地絡以宏包會極咸周八柱掃穢槍而永靖瑤編增

肆伐之模登衽席而偕安王壘洽洗兵之慶維金川
之小醜介蜀塞之一隅徼接髦牛輒夜郎之自大蠻
聯板楯每旬町之相攻懷奸久恃其色藏授律曾經
夫捷伐射九頭而滅跡

神威早凜軒弧祝一面而全生

大德幸寬湯網方謂雷霆怒息期豺性之終馴豈知雨露
恩辜尚鴟音之難格兇殘相繼索諾木則軀又生羅間謀
潛通僧格柔則唇還依齒竊稱戈于儻部妄逞磨牙
屢出柙于疆臣猶稽落膽我

皇上念垓叢闕蟻跳踉自聽爭封巢奪孱鳩么膺何煩汗
斧倘鏃絲之受約三章原許羈縻即坎穴之潛形九
伐猶遲聲罪廼陸梁之競阻竟黑子之自憑越分壤
而蜂屯頻遭攘攷抗顏行而鹿鋌敢肆憑陵拒比陰
螂既

生成之甘絕噬同瘼狗洵芑蘖之當鉏蠹茲憤結
神人誕申威於司馬

鑒彼寧求邊徼宜剪蔓于封狼爰將逆命之征用底龔行
之罰銀麟授印建太白以懸旂玉虎分符練中黃而

元卒挑闢啟路威通井絡之墟雪嶺揚兵氣奪銅金
之堡指驚禽之晝落但怯虛弦逐麋兔之宵奔惟存
空整平吞豎壁全收趙拉之疆穩豎高牙進壓但浸
之境會久羈于置頓旌門未戒游氛乃再整于前矛
跋舍俄看改色索倫選隊執挺遙行健銳掄精修矛
借作集貌糝於兩路遙分犄角之規擊刁斗於中權
獨展攻心之畧反側重歸掌握仍置候以相通渠魁
尚恃樊籬復劇旌而進討掠盤空之過烏谷噶方直
關曉巖掩伏鼓之躡鷓馬尼亦交轟霹靂羅博瓦山

回來馬雲端忽下發孤康薩爾迤轉綠猱地底爭鳴
鼓角機迎破竹遜克宗之伏莽都銷令肅啣枚噶爾
丹之鍛翎奚遜五十里日旁收寨夾河成斷臂之形
數百尋昆色摧礪奪隘得扼吭之勢於是孤空一窟
勒烏圍喘負先清遂乃聳擊三霄科布曲及迎欲解
趨危峯于西里四山之紫焰交騰壓層柵于索隆百
道之青霜競舉則朗噶衿喉直破投戈早懾羣番惟
中寺門戶徒憑拔幟俄臨孤壘布長圍于蛇陣倏驚
天上神兵斷啄走於豚圈祇剩井中殘喘值腹心之

自潰絨布揚麾遂鈴櫟之相聞獨松開道枯魚乞命
賊徒皆搏顙祈降破獲亡家逆屬亦束身來請功成
掃穴星飛看露布之傳捷奏俘渠組繫佇檻車之送
是皆我

皇上天威武播神武丕宣懸金鏡于

先機無微不照握掘璫鈴于秘竿惟斷乃成赤羽宵傳警銅

籤而問漏

丹毫畫御對銀函以批章蓋竒正兼資

授筭不渝乎寸晷故機宜悉稟集勳適歲夫五年溯不獲

已而用兵亭育本

好生之德迨無可赦者有罪貫盈申怙惡之誅黃鉞聲靈凜

覆巢之自取紅旗騰踏覩磨盾之頻馳共看露捲沈恭

武庫之干戈載戢遙聽歌傳槃木雪山之耕鑿常恬喜

溢班聯歡臚寰宇臣等戎韜愧乏

廟算同欽際二月之

虞巡欣聞吉語詠六師于周什倍仰

神謨冊府銘勲瞻

紫閣丹青交寫靈基偃伯慶泮宮琬琰重刊奏朱鷺以宣鏡

彌切

尊親之戴擬白狼以進頌難名蹈舞之忱臣等無任踴躍歡
忭之至謹合詞恭摺稱

賀伏祈

皇上聖鑒謹

奏

賀底定兩金川 乾隆 年

臣某等跪

奏為底定金川恭伸賀悃事欽惟

皇上聖謨廣運神武丕昭垂衣裳者四十年闡疆域于二
萬里揚耿光于大烈地盡流沙溥至化為仁威圖開
王會乃有西羌二孽偷生荒徼一隅叛服相仍克頑
共命敢萌邊釁自恃天常始以烏鼠而結驅羆繼以
駟蛩而成狼狽川分大小窟穴毗連險恃陰幽磴梯
盤錯跳梁踞井但知尾曳泥中拉朽摧枯豈識從天

下遂致

九重赫怒再興捷伐之

王師萬馬飛馳大振提封之虎旅滔天難宥知

聖人不得已之心率土同仇歎絕物無可矜之路未容姑

息爰用誅鋤萑草既外于生成嚴霜自加其剪削于

是簡軍

命將調伍輸糧惟事事隱繫于

宸衷斯時時凜承乎

廟畧遺八旂之功旅策三路之神兵芻芟扉屨之優儲賦

後田租之屢復兵有從軍之樂民忘傳檄之勞競揚

貔虎之雄克掃獍梟之孽陰厓懸趾升如飛鳥凌空

峭壁叢蘊繼比驚蛇赴壑百戰百勝千礮碎若崩雲

九地九天列若摧如破竹策勲無敵韜鈴秘受於

皇謨坐照如神宵旰默傳其方略更荷褒忠賜卹臣心益

勵丹誠賞廩酬庸士氣倍增勇銳于是履萬夫難到

之地攻諸蠻不備之時駭若雷霆驟如風雨迨無堅

之弗克亦何險之足憑莫不膽碎驚濤魂游沸釜鯨

鯨之五能都盡狡兔之三窟俱空网恤鴟張頓成魚

爛以此膚功疊奏堅壁屢登願陳長秋之旻生縛黃
支之頸哀號請命稽顙乞降然而積惡難寬野心不
信荆榛留種定存滋蔓之枝鷲羽求馴終匿飽颺之
志孽自作而寧活網網已合而莫開必殲之以靡遺庶
滅此而朝食焚巢掃穴未能蔽厥餘辜耀德宣威寔
足揚吾大武前謨所缺收歷朝未隸之版圖後至必
誅示屬國不共之譴罰臣謬司鹽筭分供邊儲身未
勵于戎行心切懸于軍實洗兵錦水欣聞巴蜀之飛
書歸馬華山獲覩雲霄之露布祝烽烟其永息頌化

日之舒長中外恬和梯航輻輳從此舞羽送

天顏之喜萬國同春建橐廣大凱之歌

一人有慶矣臣以職守未克隨班舞蹈謹具疏稱
賀以

聞臣曷任歡欣忭舞之至

國朝奏疏卷二

蕭山 朱樞 雲木 編次

賡颺

慶祝後

賀土爾扈特歸順

彭元瑞

賀擒臺灣逆首

孫士毅

賀平僂拉佗浸土司

阿桂

賀生擒回疆逆首

長齡

又

彭邦疇



賀 受俘禮成

睿親王

禎祥

七政呈祥

田文鏡

慶雲煥彩殊俗抒誠

慶雲見闕里

山東 巡撫

甘霖應候

彭元瑞

七政獻瑞

欽天監

河清大瑞

田文鏡

又

鄂爾泰

一產三男

江西 巡撫

景陵產靈芝

河南 學政

又

稽曾筠

瑞繭呈祥

禮部

獻瑞穀

田文鏡

藉田產嘉穀

同前

進瑞穀

同前

獻瑞麥

同前

薦自天生孳為鳥食

鄂爾泰

國家圖書館, NATIONAL CENTRAL LIBRARY, TAIWAN, R.O.C.



Blank columns for text.

賀土爾扈特歸順疏 乾隆三十六年

內閣學士 臣彭元瑞 跪

奏為恭陳賀悃仰祈

聖鑒事 乾隆三十六年六月日伊犁將軍奏報土爾扈特
汗渥巴錫統率部落數萬眾涉萬有餘程籲請歸順
遐邇騰歡 臣民忭舞 欽惟我

皇上治奉無私

化周有截

福由德致 叶川長山壽以俱增



功以道隆極日融月寤而莫外繫昔

鴻勳者定諸部盡隸享王仰惟

醲澤渥濡一紀為籌耕牧純牛南畝屯奏屢豐鱸馬東徠

道逾無阜固已界太蒙為飯宇久看環西汜為樂郊

維茲土爾扈特之區舊為四衛拉特之一中更外屬

遂隔殊方洎我師克定伊犁曾入貢遠經羅刹

天同無外十六載久積精誠海告不揚萬餘程遙聞敏附

嘉爾渥巴錫之誠籲盡率厄魯特之種人來從西極

之濱欵陳紫塞願依中國之

聖奏入

丹墀

皇上睿算先幾

仁心遠屆悉其土倍俗知久客之思歸憫厥饑疲如赤子之

仰乳致原莫致初何俟乎招徠人即吾人是宜加之

撫卹俾爾煖衣飽食為之分土授民識

九重之恩澤無邊由

乙夜之機宜皆中溯自

朝締業胥蒙古為雁臣逮夫五載

累

成功收烏孫於鱗集至今日而繁其種類一民莫匪王臣
惟

聖人乃固不尊親萬世有光

前

緒圖呈益地瑄環西母之來路近瞻

天旌旆上蘭之後

仙莊展謁景麗九秋

寵宴式霑園開萬樹天魔看舞飲聆什榜之音

壽佛同依膜首都綱之拜逢

億

萬年

慶

典更添祝

嘏

之人偕卅九部落臣永預從蒐之盛洵矣無前之

偉烈庶哉

有慶之

閱規臣等守土南邦共星

北極未親

盛典遙林微忱披王會之圖載稽爾雅之四極上

聖人之壽

壽願慶

天保之九如所有欣忭下忱曷勝罄頌具疏恭賀伏乞
聖鑒施行

賀擒臺灣逆首

乾隆五十三年

兩廣總督臣孫士毅等跪

奏為首逆就獲軍務藏功謹合詞叩賀仰祈

睿鑒事竊查臺逆林爽文結黨不法毒害村庄蒙

皇上命將搜捕盡膏斧鉞茲首逆已就擒獲南路旋復廓

清從此窮鄉僻壤海隅日出之區皆知盜賊之斷不

可為法網之萬不可蹈非心盡革風俗漸淳臣等謹

合詞繕摺賚遞申此忭悃欽惟我

皇上德洽埃垓

化覃瀛漢

揚偉烈而廓清玉塞盡衍耕犁

運神謨而底定金川永綏荒服縱在窮島疇甘自外
生成矧屬編氓何敢頓忘

高厚詎有逆匪林爽文者性同梟獍毒甚虺蛇始因蠻觸
之爭欲戕其類漸逞鷓鴣張之勢自絕於

天偶假息於演池遂靴梁於井榦竟成反側豈獨光天化
日之難容凡有心知皆思食肉寢皮而後快哉

皇上特彰天討

申命元戎入秉

聖謀出專閫寄飛符名戍三邊之子弟同仇嚴道行軍九

姓之官司効順身經百戰師中簡貔虎之材膽懾公

膺海外奪蟲沙之氣而且明知大義

錫城社以嘉名將勵精忠延河山於盟府

念茅簷之播越賦許復以頻年因羽檄之交馳

息更周乎數省秋毫無犯行師同枕席之安俟望其蘇載

道有壺箠之獻前此立誅懦帥固已壁壘改觀嗣即

大振威稜益覺旌旗變色叛同娥賊妄效五斗之興

妖非彼高陵豈容三年之伏莽樓船飛渡甫決洵而
直覆卯巢沙水連營越數日而生擒元惡蔡裔一呼
俱殞震比雷轟張網單騎直馳道無寇跡允此將帥
用命皆本

信賞必罰之至公故能犁掃尅期倍欣獲醜獻功之加疾
法應寸磔貫合連繩屬駭與雉伏齊號笳鼓並肅鏡
兢奏於是馬騰士飽翼以南驅拉朽摧枯殄茲餘孽
俾無異種既苗耨髮櫛之靡遺同我太平遂賣劍買
牛之相屬波澄海國看

王師洗甲而還春暖臺陽慶邊黎啓扉而卧歷溯
聖主當陽之

顯烈敢以削平蝸角遽事頌颺而仰睹

先幾燭照之

睿籌則即綏靖鯤身亦繩

武臣等請纓有志籌筆無能猥緣調遣之微勞渥荷
恩施之寵被疆連閩越遙傳吉語於風聞喜溢軍民快聽
歡聲於露布臚奉常而紀績仰

升恒於億萬斯年譜桐鼓以宣音享畏懷於千八百國所

祖

有臣踴躍歡忭下忱謹合詞繕摺叩賀伏乞

皇上睿鑒謹

奏

賀平僭拉促浸土司 乾隆

年

大學士公 臣阿桂等跪

奏為逆魂蕩平遐陬永靖仰藉

天威恭申賀悃事竊查攢拉促浸土司僻處四川邊外性
本狼貪類同豕突而兩者之中促浸尤為桀驁自逆
首郎卡即因侵擾土司致干

天討暨乎窮蹙難支始行乞命維我

皇上擴如天之度貸以餘生是以

御製詩章內有上將有心期利執大君無物不包蒙原俟

其草面悔心仍供土職乃亮渠幸免刑章而遺孽復
仍怙惡索諾木既虺蛇成性莎羅奔更狼狽為奸率
其頭目妄計并吞嗾令僧格桑攻圍鄂克什而自謀
殺草布什咱土司奪其印信竊據土疆番衆盡屬寒
心隣境俱為切齒伏念我

國家景員無外統馭萬方海隅日出之鄉均歸怙冒既
不忍視此遐荒獨罹荼毒而草布什咱毗連霍爾土
司各境又附近四川進藏通衢亦不容任厥負隅致
多阻梗事非出于不得已人皆以為當誅我

皇上赫怒出師恭行九伐討茲蠢爾以慰衆心先解達木
巴宗之圍繼收草布什咱之地遙懸旗所指美諾先平
乃僧格桑已成釜底游魂而索諾木復作逋逃淵藪
寔屬罪難擢髮豈宜稍緩誅鋤然而雪山層疊險逾
蠶叢林箐崎嶇仄同鼠穴堅碣絡繹偏當要隘而恒
多羣醜睚眦屢被駢誅而不畏我

皇上復簡三韓勁旅併徵各省銳兵犄角披心分途並進并
發數千萬之

帑金以供軍寔閭閻毫無驚擾士馬盡見飽騰加以徵

功必錄

茂賞常頒俾揚敵愾之心益勵攻堅之志而且機宜悉斷
於

宸衷纖悉皆係乎

廟筭臣等猥以菲材荷蒙重任遂得險隘頻摧直臨巢穴
勒烏圍早經洗蕩噶喇衣繼就掃犁全境救寧罪人
斯得檻送京師獻俘

闕下此皆我

皇上聖神英寅武惟斷乃成爰奠要荒之地永垂久遠之模

茲者橐戈解甲振旅班師分駐標營新開屯牧邊徼
胥登乎衽席春祺遠洽于侏僂而各土司靡不震聳

威稜恪承

聲教感切覲

光之志益明同軌之麻臣等不勝踴躍懽欣謹恭摺合詞

奏賀伏祈

皇上聖鑒謹

奏

承烈安邊即以衛民奮庸揚

神武之威唱凱送

昇平之喜欽惟我

皇上

德媿勲華

錫

智勇績

祖

宗之

天

列列

鴻緒壹戎衣而

畿輔肅清咸來王未享以駿奔率職貢而華夷龍警服固

已

道洽重熙

光被四表矣乃有逆裔張格爾者襲瑪哈墨特之餘氛晏

生逆燄以阿拉巴圖之賤族狡起戎心謂

蓋高或緩

雷霆之擊據地以叛遂萌鬼域之謀遙振月竈之旂煽惑

花門之種庚郵籤斲莎車之四鎮咸驚戎校屯虛疏

天

勒之孤軍遂困箕尾壯山河之氣

恩重身輕旋頭興風雨之妖罪深惡極始乘我師不備肆
憑陵而豕突狼奔繼乃同族相戕縱貪淫而鯨吞鵠
殺九嬰扇虐甘外

堯天三孽當鋤難寬

湯鉞溯自準噶爾蕩平之後正霍殺占叛亂之時烏續翼
而不解依樹人虎出柙而遂思負隅我

宗純皇帝殲除掃穴

高 桑 遠

懷 來為

國家在立藩籬

新疆二萬餘里俾要荒盡登衽席涵

醜 關 化六十八年逆祖波羅泥都自干叛殛逆父薩木薩克幸

免搜誅不期未燼之灰乃發漸滋之蔓戕

皇上赫然斯怒

召司馬以蒐兵

肅若臨軒射封狼而整旅秉天玉柱直捎太白之芒出
塞金鏡大合飛黃之隊

選干城於列鎮萬馬臨邊

遣侍從之崇班千牛分衛山飛朱鳳畫廳纓鳴劍而來江
繞黑龍咸中壘射楊之彥

命臣長齡為揚威將軍臣楊遇春武隆阿參贊軍務吉日
維戊

詔出甘泉軍令嚴申氣吞瀚海繩

十全之

聖武

御丹臺而

策授十條揚萬里之

天威捧

彤矢而歡騰萬眾山皆失險崑崙都縱轡而馳河欲斷
流渾巴什投鞭竟渡先趨溫宿捷偏師而轉戰如飛
徑取損中由長道而前驅直進非羆非虎勇氣直前
如火如荼軍容倍壯赤報慰來蕪之望牛酒爭持白
鞮矜拒轍之雄螳車尚奮威生神臂一時之明月齊
彎機發佛郎四面之火雲盡合屢奪狼頭之毒縣拔幟
塞旂欲躋熊耳之山斷戈棄甲勢成破竹未匝月而

捷已逾三散若驚鳥思背城而戰難借一高墉不守
爭超堞以先登壯士長歌遂橫矛而竟入燕方巢幕
原撫已以知危鼠慣跳梁未凌辰而先遁

皇上廼

親裁批劄

載示韜鈴

照六幕以無遺早炳

先機之鏡

計萬全而不爽

重頌

決勝之符揚逐北之旌旗窮搜蛾黨奮征西之金鼓屢拔
龍堆三受降城盡伏黃圖之舊五折冲枝爭窮白狄
之蹤躡狐群而鷹隼扼兵度雁磧而驂駟開道啣枚
疾進邊月微明折柵爭先陣雲忽起僕姑飲羽並穿
長萬之顛弧矢飛勾競斷蚩尤之背附逆者孽由自
作既落趾以摧牙懷

德者誠有同歸遂連肩而接踵雖窮鱗匿影尚偷延釜底
之生而困獸空群已盡化原中之血薦坡注澗追奔

踰百萬重山陟險

絕

縱幽深入及二千餘里計克南輸

忱負弩遂縛番酋而逆西重譯獻琛願為偵騎時

命楊遇春凱撤入關臣楊芳叅贊軍務繼又

命臣武隆阿為喀什噶爾叅贊大臣誠端蘓清阿為協辦

大臣秉

聖諭而策籌善後制創於因勵戎行而士盡爭先以防為

捕方謂伏林妖鳥永避庭弓詎知被彈驚禽又投天

網恃安集延為牙爪拒比陰螂結布魯特為腹心噬

同瘕狗復逞九頭之暴唯稽一面之誅於是萬隊之

貔貅共奮鳳鶴皆驚四山之風雨交鳴戈矛齊舉五

窮五道方將買日為生六甲六丁倏已自

天而下振竒兵而迅擊氣奪先聲聽飛騎之傳呼生擒頭

利此皆我

皇上

智周離照

徹始終而具有

成謨是以各將士吉叶師貞秉方略而聿收洪捷大鯨鯢

而小梟鏡駢頭巖後至之誅左干戈而右蕭鏡渠首

就前驅之縛兵以不得已而後用故致賊而必生罪
至無可數而始誅乃行師而必克

運

九地

九天之畧

允迪

光宏

善繼

善述之謨

前

丕揚

達孝開

九重之閭闔歡傳

鳳閣椒花聽萬里之鏡歌

喜溢

鰲山燈火銀幡綵旆祥光爭耀於紅旂玉燭金甌瑞氣
常凝於

紫陛從此九邊無事將買犢以耕耘萬馬不嘶盡解鞍
而蹀躞一路鳴平羗之曲露布傳郵諸藩傾向

日之忱星羅繞地望金牛而北向三十六國歡呼
有道聖人頌天馬之西來億千萬年慶衍
無疆皇祚所有臣等欣幸忭舞下忱謹合詞恭
奏

賀生擒回疆逆首道光八年

順天府學政臣彭邦疇跪

奏為首逆就擒敬申賀悃事本月初六日臣考畢天津
撤圍後接閱京報欽奉

諭旨丕播

捷音率土蒙庥普天同慶臣懽忻忭舞莫可名言欽惟我
皇上福以德基

勇由天錫

親提虎準即清畿甸之氛立靖鯤身永息澎湖之浪當

累洽重熙而後共享

昇平雖遐方絕域之區咸懷賓服蠢彼霍集占之逆裔
遺茲張格爾之元亮本屬餘生久稽顯戮溯

高

廟蕩平伊始不忍淨其根株惟

國家休養歷年摠未加之搜捕果其潛踪匿跡尚為
覆載所容何期拒轍跳梁自外

生成之化草已除而滋蔓薪已燼而含芒於是

命將出師整軍經武元戎專閫上帥參謀旌旆飛揚選索
倫之勁旅弓刀颯爽掄健銳之英姿民無傳檄之勞

復祖屢

詔兵以從軍為樂轉饒優儲投鞭斷渾巴什之流縱轡據
崑都倫之頂驟如風雨震若雷霆加以回衆畏威番
首効命剪彼雁翅騰我龍驤遂復四城頻宣三捷當
熊羆之氣方赴赴而鳥獸已散若紛紛空曳尾於泥
中暫游魂於釜底

皇上猶恩施遐邇

誠貫始終勗其敵愾之心示以擒渠之畧固知罪深惡極
持筭延旦夕之謀然而決策運籌終上厪

肝宵之念設該逆戍生於絕地即我師斬馘於行間雖

天討之聿申覺人心其未暢爾乃飛蛾赴火自蹈危機饑

鼠窺人復萌故態意謂一年將盡士當解甲以嬉豈

知五夜爭馳將已自天而下擊都壘之臘鼓響雜鉦

鏡傳吉爆之春聲烟騰燧燧冰山雪窖陋寒宵平淮

蔡之功綵勝桃符媿元夕奪崑崙之智矧復

神光雲爛顯助軍威良由

聖敬日躋默邀

昊

鑒用能手擒頡利頸繫黃支貳負革心

此

前

光昭茲

思迪惟

壹戎底績從此未王未享和闐之璧充庭引養引恬普爾
之錢流地統凸鼻纏頭之衆被淪肌泱泱之

威軌臣荷戈力荼載簪筆才踈身幸際夫

燕辰耳快聞夫

鴻捷持節以宣

文治未隨羣職吹鏡聽朱鷺之歌集泮而懷好音願率諸
生采藻工飛鴉之頌所有微臣慶幸下忱理合具

摺恭

奏伏祈

皇上聖鑒謹

奏

賀 受俘禮成道光八年

睿親王臣某等謹

奏為

受俘禮成敬申

賀悃恭摺

奏

聞仰祈

聖鑒事本月十二日以平定回疆所獲俘囚張格爾獻於
闕下

皇上親御午門舉行受俘之禮臣等快覩
洪儀躬逢

盛軌歡欣慶幸莫可名言欽惟我

皇上澤被八紘功昭七德平太階而

錫禮玉宇和恬正鼎位以

凝基金甌鞏固茲爾逆裔擾及邊陲

特簡元戎用彰

天討

神謨默運燭萬里於先機

勝算頻頒定十條而授策惟

乾綱之在握本師律之從心不匝月而淨掃妖氛未踰年

而肅清邊徼風生鼓角西戎之膽全寒星落旄頭南

越之纓遂繫渠魁生縛爰械送於

京師俘檻飛馳俾觀瞻於道路方

北闕獻俘之日正南風解愠之時用卜良辰舉行

懿典剛日柔日適符平定之祥先庚後庚允叶雅歌之吉

大樂驟而慶平奏欣聞六代箫韶

仙仗立而

儀衛嚴悅見兩階干羽

午門麗正凜

天子之當陽

丙馭遙臨見

聖人之在上

御龍樓而出震

閭闔宏開肅象魏以

聲威良當甫伏共識昨盱之狀已明鐵鎖之誅彰顯戮以

快人心正典刑而中

國憲歡騰中外喜溢輪裳臣等仰

偉烈之炳麟欽

赫聲之聿駿伏願

仁恩丕冒鰲極覃熙

義問宣昭龍韜遠耀

戢軒張於曠野靈臺偃武長貽磐石之安

恢禹服於神州番部歸誠益見吹風同之盛所有臣等踴躍

歡忭下忱謹合詞具

奏

賀七政呈祥雍正三年

河南巡撫臣田文鏡謹

題為

聖德獨隆嘉祥丕應普天同慶恭賀

純禧事欽惟我

皇上德合乾隆功崇位育聰明睿知建一中以宜民文武

聖神統百王而建極至治極雍熙之盛和氣足以致

祥大公化朋黨之偏誠心自能動物故河清海晏地

位久已凝承雨順風調

天心早為協應矣然當茲

聖人在上舜麟儀鳳固不足以為奇秀穗嘉禾更不足以為瑞惟璧連二曜珠貫五星既同萃乎同宮復交輝於一旦陽德宣和於今月泰運初開祥光會聚於清晨昌期肇啟以唐堯之大聖始一見於中天溯歷代之相沿獨擅隆於今日此誠為

聖人而後開此大瑞亦必惟

聖人而後膺此宏庥也乃我

皇上謙德彌深孝思不匱功德必推其所自續承復遠以

為期然惟

聖祖篤生

聖人又惟大孝克繼大統

一人有慶昭亘古罕觀之奇

萬壽無疆非於今始著之盛頌諸薄海內外千百國共慶

昌隆付彼珥筆詞臣億萬載永垂典冊臣欣逢

聖世幸覩嘉祥雖職守封疆未獲瞻

天而賜拜維心馳

闕陛益深向

日之忱矣臣無任踴躍懽忭之至謹具疏恭賀伏乞
睿鑒施行

慶雲煥彩殊俗抒誠

臣某謹

題為

聖德格天卿雲煥彩殊俗抒誠萬方同慶欽惟我

皇上两大同符四時合序

道隆今古範圍二五之精

學闡天人旁徹四三之旨

蠲逋而大地春生均霑雨露重士而俊髦蔚起際會風雲

易倍移風民知拾遺之恥重農貴穀歲登大有之年

庶績咸熙羣生暢遂猶且

聖不自聖宥密孔殷安愈求安憂勤尤切至誠有感格
天心而眷顧靡休蒼昊無私輔

聖德而嘉祥屢著河清海晏而更衝刷通利無藉人功璧
合珠聯而又景慶時輝特昭靈應華芝著草皆由純
孝而生瑞穀嘉禾無非精誠所感四方寧謐萬國懷
柔乃茲蕞爾生苗自古跳梁梗化重煩

廟算遠頒勦撫之謨

默感

蒼穹屢顯慶宵之異瑞霽經旬祥光匝月布天孫之錦燦
爛七襄撤摩尼之珠纈絲五色苗首仰瞻而奪魄蠻
衆觸目以驚心消頑梗而投誠有藉羽干之舞儼雷
霆而向化無須撫繼之勞耒復見天地之心去殺徵
聖人之教而且雨暘時若黃雲棲野遍郊原遐邇豐
登玉粒盈倉寧婦子既畏

天威轉思

帝德能不革面而革心自必稽顙而稽首從此瘴雨蠻烟
之地悉屬光天化日之鄉五雲章於天萬寶成於地

闢亘古未闢之疆土化迄今未化之冥頑自古無聞
於今為盛歲星拱紫微而倍耀屢兆豐年山陬海澨
共慶太平之有象卿雲助南極而增輝宏開壽域黃
童白叟齊祝

玉歷於無疆臣無任踴躍歡忭之至理合恭疏慶賀伏
祈

皇上聖鑒施行

慶雲見闕里雍正七年

山東巡撫臣某跪

奏為

帝德光宣文治

聖廟彩現慶雲萬姓騰歡千秋昭瑞事雍正七年十二月
初一日據濟東道副使臣張 呈稱雍正七年十一
月二十六日在闕里

聖廟監督工程聞曲阜縣老幼男婦歡呼忭舞共看彩雲
隨教同在工人員登高仰眺見正南祥雲一朵金色

輝煌儷若瑞芝旋復散作奇峰綿亘東西紫碧丹黃
五色俱備繽紛紉縵環捧日輪又西則五彩細雲層
層羅布翔鸞舞鳳紛郁難名經正南東南西南三面
歷午未申三時萬目觀瞻衆口稱慶等情到臣臣披
閱之下寔深歡忭隨恭設香案望

闕叩頭慶賀訖欽惟我

皇上

道協兩儀

德備四表

大孝立人倫之極五典式和
至仁贊化育之原九功惟叙

堯欽

舜摛敷

帝治於

勲華

文顯

武承播

王猷於謨烈

聲教達東西南朔萬邦共樂熙春

膏澤被草木昆蟲庶類咸滋

湛露是以

心眷注

嘉應疊臻

戩穀流光九穗登而馭岐發

純禧示象丹曜會而黃河清前此錦霏紛郁早標勝於滇

黔今茲綺霞輪困更呈祥於鄒魯當

聖里文明之地正宮牆魏煥之時山峙尼防構作樓臺之

狀水滌沫泗映成組繡之紋良由我

皇上

聖集大成條理統金聲玉振

師宗百世

心源契江漢秋陽

表章六經

紹刪定纂修之業

廣勵四學

育升堂入室之英鐘鼓並奏於

聲教達東西南朔萬邦共樂熙春

膏澤被草木昆蟲庶類咸滋

湛露是以

心眷注

嘉應疊臻

戩穀流光九穗登而雙岐發

純禧示象丹曜會而黃河清前此錦霏紛郁早標勝於滇

黔今茲綺霞輪困更呈祥於鄒魯當

聖里文明之地正宮牆魏煥之時山峙尼防構作樓臺之

天

狀水滌沫泗映成組繡之紋良由我

皇上

聖集大成條理統金聲玉振

師宗百世

心源契江漢秋陽

表章六經

紹刪定纂修之業

廣勵四學

育升堂入室之英鐘鼓並奏於

耦音偶正作耦耕也此用及音未調金釵耦采名見玉璫飲酒詩

辟雍

宮徽丕振輪奐重庇於闕里

廟貌維新允此致敬以崇儒悉屬存誠而

歛福

哲人默鑒圖書騰麟炳之光

上

帝穆孚河嶽吐菁華之色臣職任疆圻心儀

盛羨爭先快覩咸聞歡躍之聲曠代竒逢彌切對揚之

願伏乞

詔付史館宣示臣民載之竹素借韋編漆簡以垂輝渙以

絲綸合海溼山陬而胥慶臣瞻天仰
聖實切踴躍懽忭之至

勤政殿

親加諮諭以比來雨澤愆期雖虔禱已申而甘膏未應冀
聞闕失用名祥和竝

命傳集科道諸臣集思交儆

諄復數千百言深切著明徬徨懇摯翼日正當

郊致齋之期

駕自園進宮臣等與於科道各員於

乾清門恭讀

聖諭情欽感浹口誦心維念惟我

北

天

皇上以配命懷福之原

暢滿招謙受之理

久道化成行健自強敬

勤民之心立綱陳紀之治豈其尚留闕事以致未叶休徵

正在會同繕摺覆奏間迺本日酉刻油雲乍興甘霽

立布至五月一日丑刻計得雨五寸三農交慶萬井

騰歡目等誠喜誠忭竊以

玉省維歲故洪範篤於

念徵

天 且弗違故大易昭其

合德驗

天 人之交應由上下之同流機若捷於應桴理本神於操券
蓋

昊 緯以肅又哲謀彰時若之備而

上聖以恐懼修省裕致福之基比者時玉殷春醲膏盼夏
在農占未切於朝夕而

耄念已厯於旰宵數月以來

一心罔間龍潭

親陟秩羣祀以咸脩牲帛吉蠲走

三壇而再舉庭中移晷每顧影以

翹瞻天際行雲即向方而

肅拜其如蜀天漏日吳地騎秋蓋天時有旦晚之差亦地

氣或方隅之限溯昔頻年憂旱何嘗不慶有秋况今

大地咸霑豈必獨遺近甸惟

視民之心過切故

先事之計恒周糶三市以價平展五城之粥賑復東寧之
輕典清西園之繫囚不因疆吏之求何俟秋曹之奏

心補造化民無歎年猶俯切於

諏詢爰

特申於咨傲當茲朝無秕政吏絕萌奸本

八旬二歲之教幾成五十七年之

邇化詎餘罅隙尚待補苴汝亦昌言致帝舜粒民之治不

知其故詠周宣遇旱之詩惟堯舜吾

君自臣鄰之莫贊而

昊天其

子廼呼吸之相通俄興大願之雲立沛廣生之澤

齋臨北至受

富媪之蕃釐候秩南訛先天中之合朔隨風入夜快翻過雨

之犁自葉流根飽喫豐年之飯

王者師如時雨捷音佇聽於軍郵

聖人德乃動

天瑞牒宜宣於史館所有臣等敬服歡忭下情謹合詞繕摺

陳

賀以

聞

七政獻瑞道光元年

欽天監臣某謹

奏為

泰運呈祥七政獻瑞恭摺

奏

聞仰祈

聖鑒事竊臣監謹推得

皇上御極元年四月初一日辛巳辰初一刻八分合朔之
候日纏大梁之宮時金星附日而居婁合木水火土

而東壁歲星居首均向紫氣東方順行

景運納音屬金長庚正與日同度此誠古今難遇之嘉祥
洵為載籍所希之上瑞恭惟

聖維合德

大化參元福應丕臻庠徵咸獻重輪在重光之歲五佐襄
五撫之辰璧合效靈珠連獻瑞婁為蟲兆黎民安樂
之休璧主文章廣化文明之治昔高陽聚室經數世
而一聞成周聚房歷三朝而始見未有鴻福駢集元
象時垂如我

朝者也蓋我

列

聖大德光昭百年之間天章四照我

皇上至誠感格一宮之內福曜九華又况逢

九五之建元值

四旬之紀壽近則二十六度宏開億千萬年率土臚歡普
天同慶謹按七政宮度繪圖恭

呈

御覽

Blank columns for text on the right page.

河清大瑞雍正五年

河南延撫臣田文鏡謹

題為恭

賀河清大瑞以昭

聖治事欽惟我

皇上

德備中和

功同參贊

天地位而萬物育悉本於

大孝之敬修四時行而百物生已臻於無為之

聖治是以

天不愛道而七政齊輝地不愛寶而九河告瑞既刷深數百尺而循軌東趨復澄清千餘里而安瀾一色臣於雍正四年十二月初九日自衛輝府兌漕事竣回署由祥符縣之柳園口渡河親見浮冰開凍之處微覺清澈不似往日濁流心以為異不敢冒昧隨委員西至陝西交界東至江南交界分路上下查者豫省黃河西自陝西以下東至虞城縣一千餘里自雍正四

年十二月初九日起漸漸澄清至十六十七等日竟

與湖淀清水無異據管河道祝_兆鵬詳報前來臣於

雍正五年正月初二初三等日復委臣標中軍遊擊

張孟儀親至河口省視至今尚然清澈又於正月初

六日據下南河同知劉永錫稟稱由北渡河見水猶

清_臣嘗考之典籍黃河千年一清

至聖之君以為大瑞然未有清至一千餘里久至一月如

今日之獨盛者也通省_臣民莫不歡呼踴躍稱頌

皇上朝乾夕惕

聖德格

天
昭此大瑞以垂億萬斯年之弘庥遇此奇逢幸生久道化
成之

盛世臣謹疏恭奏

賀忱伏乞

皇上睿鑒施行

河清大瑞雍正五年

雲貴總督臣鄂爾泰謹

題為恭逢

上聖慶覩殊祥事欽惟我

皇上

德參兩大

道合一清

復聰明睿知之能念念必欽

天
法

祖

地天

綜激濁揚清之用事事皆主敬推誠惟其上下同流諸
祥於焉畢致亦且神人交洽百物為之呈奇蓋自

御極以來時聞嘉徵屢告日月合璧五星連珠早識

心之協應著草叢生嘉禾九穗更知

祇之效靈若夫黃河之水千年一清史冊所傳亘古罕見

也者臣謹按京房傳曰河水清天下平又按易乾鑿度

曰天降嘉應河水先清又按王子年拾遺記曰黃河

千年一清至聖之君以為大瑞此皆論其理不能寔

舉其事即隆盛之代間或一見不過逾時逾刻之頃

一州一邑之地今閱邱鈔於雍正四年十二月十六

日為始上自河南下迄淮徐河水澄清地逾二千餘

里期歷二十餘日自古迄今曾未之前聞臣在萬里

之外聞茲上瑞懽忻之餘倍切感激蓋河源發自天

上見於崑崙之山鍾於星宿之海入於龍門積石之

地遍於雍冀豫兗徐揚之間其源流為最長其支派

為最盛其性得中故黃流浩瀚其蓄至厚故濁浪奔

騰而欲求其清波澄澈輝映千里勢必不能惟我

皇上聖聖相承知淵源之有本謙謙益著信德業之彌光
亦保亦臨時凜

蒼之鑒致誠致慤常懷

聖上
祖之憑析理如日月常懸無微不燭鏡物似冰霜四映何
地弗瑩故瑞氣所覘遂現澄清之象而渣滓盡去乃
顯河伯之神此皆

皇上本其誠孝之符致此清明之驗臣等遭逢

聖世遭遇

鴻庥思登畔岸而未能惟切氷淵以自礪願復荷蒙

聖主巍巍不與蕩蕩難名用錫福於臣工大沛

恩於中外各加一級言嘉庶職之勛勩伏念

九重寔異羣工之洗滌藉使黃河如帶惟期清白常存乃

知

聖德同

天
正是太空不有益信

福如川至同頌九如竊願臣效華封申歌三祝誦及河

裔嶽欣聞百神之懷柔念維清緝熙仰紹

二
祖之勲烈蓋誠無不動憂勤即是嘉徵感而遂通儼惕長

符瑞應矣臣爾泰無任踴躍懽欣之至除俟接准部
文恭疏奏

賀外謹

奏以

聞

一產三男乾隆十六年

江西巡撫臣舒謹

題為一產三男事該臣者得二氣化醇皆太和之翔洽
多男協吉寔

熙代之嘉徵惟

聖德之涵濡無遠弗届斯閭閻之誕降並育而生茲有南
昌府南昌縣民徐仲先之妻萬氏於乾隆十六年八
月初二日子時一產三男現俱存活祥徵四乳流傳
史冊之光泰啟三陽懋著蕃昌之象據布政使司布

政使^臣某取具印甘各結呈詳前來^臣覆查無異理
合恭疏具

題伏祈

皇上

睿鑒施行謹

題

景陵產靈芝 雍正七年

河南學政^臣吳 謹

題為

大孝上通於

天 祖嘉祥特邁乎古今

一氣感享萬年慶洽恭疏稱慶事雍正七年十一月十二
日准河東總督^臣田 咨稱雍正七年十一月初七
日接准禮部咨內開

景陵

聖德神功碑亭儀樹之右特產靈芝一本於石上長六七寸祥光煥發觀者無不欣喜額賀等因到臣欽惟我

皇上

至仁涵育

大德光昭

純孝格於神明九葉耀彩

精誠通於上下三秀舒英

集福無涯共覩瑞凝仙蓋

發祥有自羣瞻慶溢

龍山蓋蕩蕩巍巍我

聖祖六十載之

厚澤深仁既超三皇而邁五帝而承承繼繼我

皇上億萬年之

揚休績緒尤總百祿而協三靈

感召之機甚神

天人之應如響所以

聖德神功豐碑甫立金柯玉葉瑞芝即生為紫為青

石上之瑤光璀璨如龍如雲如火林間之佳氣氤氳

允矣

聖世休徵誠哉

昌期上瑞惟

孝格於天神幹非土而植

太和之洋溢尤奇紀太平於元命苞不種而榮

膏澤之滋培益遠凝承有本昭格彌神仰惟

御製碑文至誠至敬殫數載之

聖心而大文斯備以故祥開陽月不先不後值

萬年之令節而奇瑞聿彰不惟秀麥嘉禾屢著豐亨於宇

宙抑且靈椿仙莢並徵

仁壽於乾坤

萬福攸同四方來賀維

聖主不矜祥瑞逢

盛美以歸

而

天特降庥嘉鑒

孝思而錫類洵罕聞乎千載寔快觀乎羣黎臣不勝踴躍

懽忭之至理合恭疏

上親

題賀伏乞

皇上睿鑒施行

景陵產靈芝雍正七年

兩河總督臣嵇曾筠謹

題為

聖孝格天叠見太和瑞應神芝特產欣逢

萬壽昌期恭疏申賀永慶嘉祥事欽惟我

皇上

大孝光昭

至誠丕著

德並乾坤而合撰一氣宣和

化周萬物以咸亨五行順序花騰瑞藹表

聖朝風俗之同彩燦卿雲昭

帝世文章之煥乃

一人孝思不匱屢徵秀毓山川俾萬類兆應靡涯頻覩

榮敷草木九莖仙種五色神芝既獻瑞於

景陵彰奕奕

勲華之應復呈祥於碑石顯

巍巍功德之符玉葉金柯偕瑤草琪花並茂丹紋紫蓋與

蒼松翠栢爭妍洵為亘古難逢誠屬生民罕覩臣賡

聖

颺復旦歌詠昇平我

祖治冠古今自是昭垂萬世我

皇上孝通造化永宜感召千祥聆

明訓頻頒仰見

淵衷時儆喜休徵游至欣逢

景運維新從此積厚以流光自是

重熙而累洽

堯天浩蕩

寶曆綿蕙英之春

舜日舒長

福祚固苞桑之瑞臣不勝踴躍懽忭之至理合

題賀伏乞

皇上睿鑒謹

奏

瑞繭呈祥雍正 年

禮部尚書臣某等謹

奏為

帝德汪洋祥呈瑞繭請

宣史館以昭萬世事竊思蠶織之功用寔闕衣被之大
原昔在唐堯之世冰蠶獻於海邦聿稽禹貢之書蠶
桑著於充土至若野蠶成繭漢徵建武之隆蠶自成
被宋紀祥符之盛惟物力極其繁阜乃蠶事兆其麻
嘉然或間世一逢盈尺為瑞未有萬蠶集巧不煩組

織以成文巨幅同功更比機梭而加密如今日者也
欽惟我

皇上功弘光被治協垂裳集玉帛以來同黼黻齊輸於萬
國播聲名於無外文章丕煥於兩間比年以來和瑞
嘉祥駢臻疊應茲者蠶鄉告慶已獲倍收瑞繭凝祥
更呈瓶見縈絲吐縷千層相綴以綿延製幅成方一
片精瑩而著采按其端緒非人力所能成尋其經緯
識天然之妙運臣等敬觀之下方羨亘古希逢乃
聖懷謙遜更加體察今據性桂等所奏寔動物有徵益見

聖德涵弘煦育萬物類

天恩高厚衣被蒼生是以氣化調和民物殷阜蠶桑普利

瑞繭効祥上昭

皇穹眷佑之隆下著寰海豐亨之盛仰請

皇上宣付史館昭示萬世臣不勝欣忭顯望之至奉

疏恭

進以

聞

獻瑞穀 雍正三年

河南巡撫 臣 田文鏡等謹

題為恭

進瑞穀仰祈

睿鑒事該 臣 看得造化之凝祥必有所由地而物華之告
瑞必有所自成苟非時際

昌期即多稔多黍之年嘉禾罕見若乃

孝繼大統雖忽旱忽水之地瑞穀咸登欽惟我

皇上

德並乾坤

功同覆載

仁風廣被升歌屢奏豐年

化雨涵濡太史頻書大有固已普天同慶萬國咸寧矣

惟是豫省今歲春間雨澤偶爾愆期

聖心於焉軫念三月二十九日

聞奏虔禱四月初三日大沛甘霖惟臣愚方悔罪其入

告之遲而

天
心已昭示其感應之速由是而主伯亞旅四野同奮其耕

耘黍稷稻粱一朝並觀其厭傑不但金風薦爽黃鋪
滿地金耦似玉露澄清白遍盈阡玉粒而且秀出兩岐
者無地不然更有叢生三穗者所在咸是此皆

皇上祈雨之精神所格而大瑞即應於兩河此尤

皇上聖德之感名無窮而嘉祥並呈乎百穀者也茲據布

政使司布政使黃焜呈送前來謹函封恭請

睿覽伏乞

勅部垂諸史冊以昭

聖世之休符用光萬年之紀載臣臨疏不勝踴躍懼忭之

至

藉田產嘉穀雍正五年

河南巡撫臣田文鏡謹

題為恭報藉田嘉穀以昭

聖世休徵事該臣看得天因

聖人而不愛道則景星慶雲呈其祥地因

聖人而不愛寶則秀麥嘉禾昭其瑞然未有九推之

大典甫

頒制作於寰區而百穀之滋生即布休符於藉地如今日
者也欽惟我

皇上堯時敬授禹甸勤農

大內之虔恭鑒觀者惟

帝深宮之懷保軫念者徧羣黎既而暘之時厯

心復稼穡之克

勤民事不特三推之禮

躬親耒耜於畿疇而且百畝之耕共效精誠於守土視九

州為一體太和翔洽夫自然運四海於

一心實意交孚而不爽是以奇祥疊產異瑞頻生豫省四

畝九分之中自雙穗以至八九穗者累累成行當此

十雨五風之際凡十穗以至十餘穗者亭亭秀出臣

據開封知府陳世倬祥符縣知縣萬國宏詳報前來

即於七月初二日恭率文武僚屬履畝視驗無異老

農觀

德化之成咸謂從來未睹之盛稚子樂

熙和之世亦知此生幸際其奇臣即告諭黎元當知所

自奉宣

聖德共曉由來此皆我

皇上以至誠肫懇之心舉行耕藉以輔相裁成之道昭格

仁

穹之所致也但與與翼翼正當施其保護之功而厭厭綿綿未即觀其奄觀之事所俟載獲以後函封

進呈啟將瑞穀情形先行入告豐登預兆億萬年蒙樂利之休史冊光垂千百載仰嘉祥之盛矣所有歡忭下忱恭疏具

題伏祈

睿鑒謹

題

進瑞穀 雍正五年

河南總督臣田文鏡謹

題為恭進瑞穀仰祈

睿鑒事竊以

聖人治世首重惟農

上帝育民祈年在穀所以

天子三推而耕藉親知稼穡維艱羣工一體以欽遵共助

染盛豐潔不特五風十雨頻登穎粟之觀千倉萬箱

普慶盈寧之樂也連黃雲而眠白露盡係多瑞祥未

盈紫陌而遍青畦預地萬年大有兩河慶溢四海歡
騰欽惟我

皇上德備三才功侔两大健行本乎乾道制作合於
心臣民耕藉信

天鑒觀之近殫敬以享體

祖陟降之靈竭誠以格是以有求必應隨感而通和風甘
雨之必以時秀麥嘉禾之因而出縷縷分垂似珮先
告瑞於四畝九分之中行行共貫如珠復呈祥於萬
井千村之內較往年而特盛俾愈出而益奇附廓之

聖上天

藉田經臣目睹而先入告外邑之瑞穀繼臣拜疏而
即馳封_臣敬謹收存逐加檢點查祥符等十九州縣
藉田所產瑞穀自_雙穗以至十五穗者共五十五枝
祥符等十七州縣民田所產嘉穀自_雙穗以至十五
穗者共六十八枝覩此休徵雲集仰欽

聖敬日躋當此

化宇天開幸際歡聲雷動壇壝敬獻千百世

聖德維馨俎豆虔登億萬年

孝思不匱矣茲據布政使司布政使費金吾呈送前來謹

函封恭請

睿覽伏乞

勅部垂諸史冊以昭

聖世之休符用光萬年之紀載臣臨疏不勝踴躍歡忭之至

獻瑞麥 雍正五年

河南巡撫 臣田文鏡 謹

題為恭

進瑞麥仰祈

睿覽事竊以天道為

盛世而降祥則三春之雨暘時若地道為

聖人而呈瑞則二麥之穎粟先登欽惟我

皇上

德邁唐虞

仁同覆載

居深宮而朝乾夕惕

聖敬已徧於羣黎當

熙世而海晏河清

湛恩覃敷於九有况

至誠足以上格

天心則默佑者必廣

純孝又能仰繩

祖

德則俾受者必昌莫春而錫以來牟普天同慶康年而受

此明賜率土同歡豈止全豫豐收兩河告瑞而已哉
但臣生逢

堯舜職守封圻雨雪溥而高下咸宜收成盡足十分之數
婦子寧而謳歌載道阡陌尤多雙穗之奇身所經者
已無地而不然目所擊者敢函封而入

告前據布政使司布政使費金吾呈送前來臣伏查三穗
者一枝雙穗者六十四枝理合恭

呈

睿覽伏乞

勅部垂諸冊以昭

八蓬須以會

聖世之休徵用光萬年之紀載臣臨跪不勝踴躍歡忭之至

蕎自天生為鳥食雍正九年

雲貴廣西總督臣鄂爾泰謹

題為蕎自天生蟲為鳥食

天麻滋至

聖德靡涯事竊惟兵燹之後難冀豐盈螟螣為災何能驅捕雖曰種由誕降未聞新條發自陳根即謂蝗不成殃未聞禽鳥能為掃蕩查得鳥蒙新改之昭通府自從大兵進勦屠滅逆猱之後人烟稀少田野荒蕪商賈不前米糧甚貴臣念地方新定一切佈置皆以食

八蓬須以會

為先憂心如焚恐難接濟計檄飭該鎮府各員所安
挿土著之殘黎招徠遠方之農賈允歸業遠來者已
不下數萬人雖令分寨給田各與資糧牛種督率耕
種又檄發別郡之米減價平糶更委專員買蕎種數
百石於大關壩等處允屬隙地皆令犁種以資秋冬
民食然私心熟慮亦止期可免匱乏並不敢過望饒
餘隨於六月初間再委糧儲道黃士傑親赴昭通并
歷東川令遍行查勘勸督催料理續於七月初十後屢
據各員稟稱昭通府之稻田壩八仙海等處及魯甸

各寨禾苗俱極茂盛再各處蕎苗碩大異常早者七
月盡即可收割更可異者去年夷人種過蕎地本年
並未犁燒今悉從舊根長出新蕎花寔繁茂與本年
新種者無二東川府巧家等處亦然官弁漢夷懽呼
慶幸謂從來所未見亦所未聞因名曰天生蕎又六
月二十八日八仙海稻田壩等處禾苗忽生赤蟲長
寸許無毛螫食稻葉該鎮府等情急無措呼臣名虔
禱詞語甚厲忽有烏鴉數千飛鳴捕啄一二日間噉
食罄盡而鴉亦不見稻苗並無傷損轉益茂盛誠屬

奇事定獲豐年等語臣接閱各稟初不敢以為信及
密加查訪道路兵民皆互相傳說而前所委員並糧
儲道黃士傑亦適回省復經細問所道更詳並稱觀
此奇異商民踴躍米價已大減且遍觀城郭鄉村不
獨酒米鹽布上市充裕而一切蔬菜俱全較從前尤
勝其東川城工該府全用石砌現有規模昭通城脚
需用五面石已打就一千五百餘丈現在催趲燒磚
不日興工衙署營房已蓋造及半俱無遲悞等情臣
查昭通地土素稱肥沃近省各府寔皆有不如因向

為禿裸所據故人視為畏途今既洗除惡類將寔以
良民則但能悉心調劑毋躁毋忽不三五年寔可謀
富庶况蕃自天生誰未下種蟲為鳥食不期其然粒
我蒸民益信

帝德之無遠弗届殲茲蝥賊羣識

聖心之無物不孚雖

天之仁愛憫此邊隅寔

上

一人之精誠積於宵旰臣親逢嘉瑞覩兆姓而歡忻伏念
因施捫寸衷而凜慄除將一切事宜敬謹料理陸續

題奏外所有據報覆查兩郡稻蔴緣由理合繕摺奏
聞伏乞

聖主睿鑒 臣謹

奏



國家圖書館, NATIONAL CENTRAL LIBRARY, TAIWAN, R.O.C.

國朝奏疏卷三

賡颺

進獻

蕭山 朱雲 雲木 編次

進律文總註

張玉書

進類函

張英

進全唐詩

曹寅

進大清律集解附例

朱軾

進纂刻 大清律例

徐本



進資治通鑑綱目三編

張廷玉

進起居注

劉星煒

進禮器圖式附錄圖式識語

彭元瑞

進四庫全書

質郡王

進萬壽盛典

彭元瑞

進編御製十全集

同前

進享惠全書

同前

進校刊仁宗睿皇帝聖訓

惇親王

進安徽省志

鄧廷楨

進呈律文總註康熙三十四年

律例館總裁戶部尚書文華殿大學士臣張玉書等

謹

題為恭繕律文名例先呈

御覽仰祈

睿鑒裁定事竊惟帝王好生首重民命國家垂憲務定刑書臣等奉

命重修律例自顧才識謏陋夙夜凜凜懼不勝任欽惟我聖上至仁如天羣生率育凡有刑獄奏讞



聖心輒加矜憫時於無可寬釋之中曲求格外生全之路
每一歲之內

特旨免死寬減者甚多

湛恩汪濊洽於海隅歷稽前史實所罕覩臣等敬體

皇上明慎用刑至意詳閱全律逐條辨晰以刑部見行例
分別載入律內有滿漢文義互相參差者通加改正
或罪有本律而例係重複者即行刪除或名目事款
舊有今無及舊無今有者酌量增刪或一款應分兩
條或數條同屬一類者悉與分併其今雖不行而宜

備參考者仍照例附載以備引證別部事例間有與
律義相合者亦照刑部見行例採入如律例內有應
具題請

旨者俟另題請

旨至於律文仿自唐律辭簡義賅誠恐講晰未明易至訛
舛臣等彙集衆說於每篇正文後增用總註疏解律
義期於明白曉暢使人易知今酌定名例四十六條
已會集九卿詹事科道面同勘閱謹錄滿漢文各六
本遵照前題先呈

御覽伏冀

皇上睿鑒裁定俾立一代之章程示萬世以法守候
命下後即將全律依式纂成次第繕寫恭
進臣等不勝悚慄之至

進 呈類函表 康熙四十年

經筵講官文華殿大學士兼禮部尚書今致仕臣英
經筵講官刑部尚書臣士禎經筵講官吏部左侍郎
兼翰林院學士臣揆內閣學士兼禮部侍郎臣榕端
等謹

題遵

旨纂修類函一書今屬彙告竣謹進

呈者伏以羣言漸瀝爭充棟而汗牛萬象散殊貴分條
而晰縷如環福地張茂先所未全窺津逮積書麗道

元所曾觀記遠溯黃初之皇覽久失流傳近誇永樂
之秘函亦多缺略石渠虎觀俱詳古而略今玉檢金
泥誰鏤雲而繪月縱橫萬里上下千年考索難周校
讐未核伏遇

皇帝陛下

睿思天縱

聖學日新

神功則緯武經文

景運則參天貳地

宵衣旰食勤綜攬於
萬幾

目覽手批聚精神於四庫允金匱石室之藏靡不探原
竟委即古史裨官之列亦皆按部就班

謂類書從無善本惟唐類函略稱贍備宜推其體例漱
潤增華蓋類函所錄本於虞世南北堂之鈔歐陽詢
藝文之纂初學記雖約而有則白孔帖終駁而未詳
摺撫止及初唐紀載非闕內府而且各自為編不相
統攝揆諸體制未盡陶鎔臣等祇受

成命恭率翰詹諸臣商確凡例臚列區分益以他書句櫛
字比諸凡日星河岳部次貴於精詳禮樂兵農制度
求其明備以及禽魚草木固不搜羅道德性情更加
闡發踵孔門文學之科究歷代圖書之府雖抱殘守
缺未能力致五車而落實取材竊擬目探二酉非徒
摭割言工不數鉅釘為富故首以音義明辨總載提
綱而典故次之事對又次之單詞隻句有可采錄另
為一條不敢放失至於詩賦雜文則辨體標目刪繁
就簡有節取之義焉譬夫翦裁在手集千腋而成裘

組織任心緝五絲以為采庶幾方名象數幼學者展
卷神開理幹文條曠覽者含毫色喜李商隱可無懶
祭之勞虞秘書并省行厨之脚然諸臣既非成於一
手臣等復荒謬而何知星漏滋多魯魚不少置諸梯
几之旁敢道笙簧六籍雜在芸編之末差言會萃百
家恐猶學府之糠粃書倉之管蒯伏冀

文光奎照

大度海涵

矜載筆之陋儒管窺蠡測經

重瞳之

御覽日麗雲昭

帝錫嘉名更覺光騰萬卷

天開鴻製既令價重三都懸呂覽於國門賞頒一字刊石
經於太學歡溢九衢將見臨文漉瀚無俟排沙以簡
金隸事紛綸不啻銜珠而噴玉矣謹謄寫彙本四百
五十卷目錄四卷奉

表恭進以

聞

進全唐詩表

康熙四十五年

通政使司臣曹寅翰林院侍講

臣彭定求編修臣楊

中訥等康熙四十四年三月十九日奉

旨頒發全唐詩一部

命臣寅刊刻臣定求等校對于康熙四十五年十月初

一日書成裝潢成帙進

呈

聖覽者臣寅等誠惶誠恐稽首頓首竊惟謳歌吟咏允民
本以抒情敦厚溫柔聖人因之立教四始備於周官

五言昉以漢室魏晉六朝漸繁厥製李唐一代兼集
其成於時家握隋珠人懷和璧蘇張李杜分路揚鑣
韓孟元劉同工異曲其餘專門別集各自名家槃澗
閨房盡堪華國傳授歷於累朝遺軼存於野史但誇
其盛莫攬其全茲蓋伏遇

皇帝陛下

道邁堯思

性超舜哲

武功定而載戢干戈

文教敷而爰稽典籍每當

萬幾之暇豫旁通六義之指歸發

秘府之珍藏惜斯文之湮棄

特命校讐即頒剞劂一時才藻重荷闡揚百世精靈更蒙
榮造

褒嘉所及風雅同觀臣等才慚繡虎技愧雕蟲西園翰

墨忝侍游歌東觀銘黃未堪啓發烏亥豕因形似

而傳訛夏五郭公慎闕疑而難補伏願

乾坤度量寬挂漏之辜編簡昭垂增藝文之重臣寅等無

任瞻

天仰

聖激切屏營之至謹奉

表隨

進以

聞

進 大清律集解附列表

大學士臣朱軾尚書臣查郎阿等謹

題恭承

敕旨纂刻

大清律集解附例今已成書謹奉

表上

進者臣等誠惶誠恐稽首頓首

上言伏以

帝德重民生溥深仁於四海

皇猷飭邦憲垂良法於萬年

操要道以齊民金科燦設

定鴻編而經世玉律持平百志惟熙四方是式

神功默運普覆載以生成

皇極弘敷變剛柔於正直惟明允而慎罰六合從風本欽
恤以持刑羣黎遷善法懸魏闕定不易之章程令佈
明堂示宜遵之道路有倫有要明刑宏弼教之功不
識不知順則昭同風之盛欽惟

皇帝陛下

道隆參贊

德脩中和

合禹甸為綏猷咸覩梯山航海

衍箕疇而錫福同游化日光天

和氣充周日星瑞應

仁風翔洽川岳輝騰廼于雍正元年欽奉

上諭以律例全書憲章百代無偏無黨期服物而寧人是
訓是行貴協中以定制

特命臣等重加纂修此事屬詞發允起例情求當理常蒙

天語叮嚀德洽好生慈體

聖心仁愛源流長遠仰

睿鑒之精明義類繁多經

宸衷而畫一增修咸備臣職愧房杜之才平允攸宜

主德協唐虞之治伏願

健行不息

容保無疆

敷文命於兩階鼓潤雷霆風雨

惠嘉師以三德協和禮樂農桑將見刑期無刑昭萬方

之樂利法非徒法沛百代之

思膏矣臣等無任瞻

天仰

聖激切屏營之至謹奉

表隨

進以

聞

進纂刻 大清律例表 乾隆五年

經筵講官太子太保東閣大學士兼禮部戶部事務

律例館總裁官臣徐本謹

題恭承

敕旨纂刻

大清律例今已成書謹奉

表上

進者伏以

帝德好生玉律重慈祥之義

皇心敕法丹書昭欽恤之仁

布解澤於離明有倫有要

寓春溫於秋肅是訓是行曲成不遺咸中有慶臣等誠

惶誠恐稽首頓首上言竊惟上古之世修德而後修

刑三代以還敬官必先敬典自三章九章而後更張

潤色漸涉繁蕪溯五刑五用之初摠記侯明宜歸畫

一惟我

朝之憲典經

聖之精詳細舉目張象魏懸而民知敬聽衡平鑑朗令甲

列

布而吏罔深文欽惟

皇帝陛下

道隆參贊

德懋中和

瑞藹春田列井有困倉之樂

明澄秋鏡園扉多芝菌之祥臨以簡而御以寬痼瘕念

切罪惟輕而功惟重軫恤時殷延於乾隆元年欽遵

宗憲皇帝明訓於律例全書更加釐定化民成俗祇期執

兩而用中載德行仁將使回心而向道

世

特命臣等悉心參酌揆理準情緣情定法寬嚴胥協統歸
睿鑒之精純疑似盡捐全賴

宸衷之昭徹反復於三刺三宥千百國順帝則而不知簡

孚於五罰五辭億萬年遵王路而無數臣等才慙聽

斷維式敬之維殷志切平反幸簡編之甫竟伏願

恭符凝命

乾德體元

修五禮以牖民率教者造之黨庠術序


協三才而建極從欲者逮於侯甸要荒將見文成象緯

占貫索而長銷草卧桁楊畫衣冠而永治矣臣等無

任瞻

天仰

聖激切屏營之至



進資治通鑑綱目三編乾隆十一年

經筵講官起居注太保保和殿大學士兼吏部尚書

翰林院掌院事三等伯加十三級臣張廷玉等言臣

等奉

勅編次

御撰資治通鑑綱目三編告竣謹奉

表恭

進者竊惟屬辭比事教起於春秋繫月編年法沿於紀

載世綿千祀史闕百家宋溫國羅衆典以創鴻裁章

程大備子朱子括羣言以標定論體例彌嚴洎乎成
化諸儒續有宋元通鑑惟勝國興衰之迹在史官紀
述之司事雖具於編摩義未昭於筆削秉權衡而不
爽功之鉅者恒難垂典則於無窮道之明也有待欽
惟

皇帝陛下以

天亶之聰而遜敏有

日新之德而緝熙敷志經考典之功闡稽古右文之治

凝神乙夜縱覽千秋謂纂述相承莫精於綱目而典型具

在獨闕於有明宜遵曩哲之遺規用勒前朝之成迹
於是

親披汗簡

特秉鴻裁貫終始以立常經參異同而衡定案準平繩直
提綱則義極謹嚴縷析條分舉目則事期精覈衷之
正史汰臣僚飾美之詞證以羣編削野稗存疑之說
翦裁枝葉綜括綱維褒誅定而衮鉞施法戒明而丹
青炳煥以考亭之法則

聖合於賢登諸闕里之編則經尊於史昔者通史緝於梁

后徒侈辭華晉書斷自唐宗無關體要未有

乾心作範

睿式裁模昭懲惡勸善之方闡守經達權之教藻鏡開而
天地朗奉以無私璇衡正而古今平歸其有極信聖
人之述作極盛於茲蓋天下之文章莫大乎是臣等
叨陪綴緝預列參稽學史而未擅三長受經而漸窺
五體稟

訓言以成統貫多愧專門承

指授以悟淵微竊欣盛遇伏願

天文光被

淵鑒宏開布在黌宮登之冊府踵麟編而高步藻耀六經
俯狐史而旁羅牢籠百氏乾坤不朽精華畢貫於羣
心日月齊懸軌度永垂於奕世謹將

御撰資治通鑑綱目釐為二十卷繕寫清本裝成兩函謹
奉

表恭

進以

聞

進起居注疏乾隆二十七年

翰林院學士臣劉星煒等跪

奏為恭紀

宸居敬呈

聖鑒事欽惟我

皇上斟元馭錄則大陳樞配極璿樞列嶽闢建方之館延
暉瑤燭上階明布政之宮胥遐甸以來王恩周荒憬
溥含生而率育道被躬行臣職在編摩榮叨侍從西
清載筆翹瞻八采之光東序陳書敬上十華之券伏

見我

皇上奉三出治執兩用中四時集羣聖之成八表洽重熙
之慶

天符地德百神並統於申禋

武烈文謨

九廟均依於主鬯祈年

紺屋正蒼龍覲土之初瘞玉

嘉壇際赤羽迴鑣之候吉蠲孝享薦時物於

元堂大裕

親行觀耿光於

太室孔堂釋奠升崇逮日主之祠淮浦禮神沉璧靜水蟻
之舍祥和晉瑞契道脉於

元穹曼壽呈符合懽心於

母江魚竹筍行厨調六饌之芳

鶴籥龍艘綵服展

三朝之駕先是吳根越角景

翠華而望切俛予矧夫飢粟寒繒澹沉災而情逾戀

主占

帝車之次舍地應時延考天目之司方卜云祥習班麟服
輓扶

玉軼以南行鏤象載瑜麗

金輦而春省餘艗轉漕留萬億於河干太府賜金惜銖分
於民力澤國汙萊之壤概緩催科會城駐蹕之區全
捐賦入中壘導海籌鞏固於崇塘高堰行河慎節宣
於清口徐方底績懲故事於切堦撈淤塔嶺封泥告
成功於增卑培薄蜀錦齊紈之燦爛遍及儒紳朱提
白粳之豐盈施於耆造嘉老臣之迓

輦逮以殊恩喜髦士之陳詩優之清秩泮林籲俊廣解額
於青衿蘭綺陳兵列軍容於黼黻前驅撤衛罷尋橦
角觝之觀

行殿捐雕汰火樹銀花之勝金雞放赦勾園空貫索之
躔紫鳳啣書鞶帶有終朝之錫

銀毫批諾絡繹報章翠琬鐫芳唐皇典誥攬湖山之巨麗
藻繪

天容駢海嶽之菁英鋪敷

帝澤至若順金秋而表貉制擬梁鄒經榆塞以彌禽事規

文園京薪爛朗和門覘茶火之容陸網妒分俞騎列
鸛鵝之陣駢弓

手御扼狡獸於崇岡黃矢親調殪剛蟲於邃谷是裨王負
弩絕徼趨風桂蠹文犀采於蘓祿純牛露犬貢自條
支度索重霄纏帽之徒磨集籥雲西道大宛之種電
馳彼愛烏罕之嶮遐重逾九舌弩喇麗之味莫遠邁
三變而乃過蔥嶺以東來越輪臺而北至玉具鹿盧
之獻製比筠冲廣場詐馬之筵衣被只遜是則椎髻
左言之俗盡鞏

皇輿然而淵蛭躩瀟之中惟求人莫念河渠之甫定給倍
直於薪蒸慮充豫之調飢展賑期於旬朔

輦路逦行之地盡免舊逋水程迤屬之區遞安掌庾際迎
貓而咨保介貽以來年遇叱犢而憫耕人貸之種食
至若神畿霖潦流庸益軫於

堯吁近甸沮洳鬣剔均縈夫

禹思行糜絰歲設廠遍於窮鄉發粟神倉監糶委之大吏
嗟荷爰之已瘁

詔給芻芟籌饌玉之惟艱

命支祿糈統計偏隅之小青俱闕

旰食之憂勤至於恤者碩之引年寬其朝請愍勞臣之盡
瘁錄及後昆際三年明試之期爰頒懋賞增五百世
臣之貴用獎殊勲慎使臣制置之非時誠量吏興居
之無節念青袍之鵠立大啓珠宮慮瑣院之目迷榮
頒緗帙深溝濬洫罷大姓之樂輸除道成梁俾旅人
之即次允此省成而奏憲無非發政以施仁至於懲
靡帑之大僚誅攫金之墨吏分嚴苴履交通詎及於
輿臺職有專旗決罰勿加於吐庶駭復讐之議戒切

尋戈定遣戍之條鋤其梗化總以辟期止辟刑在無
刑然猶審慎爰書哀矜庶獄煌煌秋憲首嚴蓋蓋之
防盜盜春波不斲蓋惟之賜

詔頒讞牘藏在典鳩畫一比於鈞衡奏當成於金石章逢
斧鉞羣依我

后之仁雨露風霆悉本

上天之載况乎

皇上帝書無逸凜六御於

乾行謨戒克艱揭重輪於離照笙簧古訓釐前載於姬文

陶鑄咸生設中衢於舜甑修和有夏用敷錫厥庶民
翕集蕃釐俾緝熙於純嘏此則庶彙衍珠囊之潤暢
泝無垠四溟仰鏡鏡之精頌揚莫罄者也臣等晨趨
禁鑰夕候院鈴雲燦日華覲

龍光於玉案管窺蟲測編

鳳紀於金繩謹繕疏恭

進以

聞

進禮器圖式表乾隆三十一年

禮器館總裁臣某翰林院編修充禮器館提調臣彭
元瑞等奉

敕勘詳禮器圖式恭校全書告成謹奉

表恭

進者伏以

熙朝崇品節瑤編貽萬禩之型

昭代煥儀章寶繪祕三霄之籍

治定功成之會彌著中和

禮明樂備之辰式彰美善惟崇效卑法講求已極夫精
詳斯右史左圖撰述咸歸於典則光生冊府象著曲
臺臣等誠惶誠恐稽首頓首上言竊惟天下有三重
議禮制度考文聖人等百王夏造殷因周監故為三
為五宗伯掌禮以安邦有器有名太史執書以協事
叔孫因時而草創曹褒集議以施行衛宏載筆於舊
儀蔡邕成書於獨斷開元開寶屢效編摩義鑑義羅
重徵名物宋公垂別成鹵簿之記李德裕獨摹服飾
之圖郊廟禮文自元豐之詳定閣門儀制經李淑之

增修益蘊兼存斷以張昭之論尊彝改繪見於陸佃
之書錄禮閣之新儀舉政和之撮要蘇明允紀其因
草陳祥道易以丹青或即器以成圖或因禮以存器
夸張新制考諸古而無稽掇拾舊文證之今而未合
蓋規模鮮臻乎美盛由作述莫裕夫本原夫惟聖人
垂衣裳而天下咸治是故大備舉禮樂則天地為昭
欽惟我

皇上

道協大中

功隆者定

撫萬年之嘉會邇治光華

符必世之昌期大文制作敬

天法

祖用肅明裡成歲授時聿先民事錄錫襲夫冠帶傑侏列
於宮懸運

德車樂御之神成鮮甲包戈之

績迺以

萬幾之暇

特咨五禮之司酌百王損益之經成一代昭明之典本禮
家之精意彰治世之鴻規永垂方策之文宜有圖書
之紀成編既輯曾塵

黼座之觀

論詔重申更啓琅函之秘因原文而勘定即成器以校讐
一物一名貴毫釐之悉協有典有則必分_村扞之無差
足徵

睿鑒之心精一稟

宸衷之指示例仍其舊事增於前彙全部以上

呈間二年而卒業臚豆登之成數炳鬯升香益儀象之
新圖璿璣齊政冠服逮乎執事令格斯全鹵簿備於
內廷等威咸秩樂器則分為七部叶七始之異宜武備
則釐以五門見五材之竝用為分合典肅於朝廟
軍行必考必精羨具乎聲明文物而且測量新製遠
訖流沙奏凱和聲升歌樂府鞞鞞所掌廣回部之方
音武庫攸藏著天山之俘獲咸仰

大勲之永定特增舊藉所未詳布在簡編逢千載一時之
盛登之卷帙昭八埏九域之同允稽古史志所莫臻

更說禮諸家之未有此則超虞廷之作象邁周室之
紀官者矣臣等學愧通經志存數典考列朝之沿革
際

盛代之修明才匪康成首標圖於三禮說推崇義因舊本
於六家惟矢志以寅清咸受裁於

乙夜牙籤玉軸鐫琬琰於千秋綠字赤文炳陸離之五色
從此質文兼尚瀛海方州之內遵律度於無疆經曲
咸宜石渠延閣之藏勒圖編於有永臣等無任榮幸
之至



附錄 皇朝禮器圖式識語

臣等奉

敕勘詳禮器圖式恭校祭器一門訖仰見我

皇上本敬

尊

天祖

之心行議禮制度之典甄綜古今折衷盡善凡器之為玉

為金為陶為木物象名數備極精詳臣等謹恭稽六

經以及先儒義疏下逮說禮諸家圖象纂為圖說系

之繪後以明夫

睿裁釐定洵足監古制而集大成其一器再見者說不複贅復按太常陳設序次先後編成目錄列於卷首程形攷範徵覈同異諸不另圖者悉加登記凡祀典所列

壇位分合之數薦饗多少之目亦皆分注條件臚陳固缺垂之方冊

彝典常昭燔狸灌獻之下肝蠶彰明視周官戴記所書三代法器之盛並得即今以証古固非如崇義禮圖陸佃禮象徒規撫舊物已也謹詮次如右 右祭器

聖 臣 等伏惟儀器之作所以授時成憲體天運而布歲功蓋綦鉅也我

祖仁皇帝學貫天人洞達象數既成数理精蘊一書並鑄觀象臺六儀以昭萬世之成法

幾 餘指授複製簡平三辰半圓諸儀具藏

天府 皇上敬

天 法

定為璣衡撫辰儀以集占測之大成猗歟盛矣至於西法

諸器萬里來航仰承

聖

裁折衷而酌用之皆足以佐參稽供步算於是推筭之法

益詳且備臣等於

皇朝禮器圖式舊文儀器十件敬謹勘定外恭檢

內廷天文測量儀器三十七件并

御製地球儀及鐘表通為四十件增入編帙帙以彰

聖朝欽若之盛蓋自羲和命官以來言天者十有三家精

密明當鮮克臻此臣等執管捫籥之愚按圖綴說更

無能窺見萬一云右儀器

臣等伏以禮之大者昭名分辨等威莫備乎冠服自

觀象作服文明漸啟夏收殷嘒損益不同所以成一

代之制度而垂法守也我

朝冠服之制夏涼冬燠各因其時而品節燦然觀瞻有

秩蓋

聖相承準宜增定義備乃克臻此我

皇上慎守

成

憲治協垂衣要荒之外至於二萬里咸龍冠帶今所編摩

儀式具在洵矣放之四海而大同昭茲未許而勿替

者也臣等於禮器冠服圖敬謹校正補列圖說者百有四十增訂目次者五百有奇詳悉考紀編為四卷彰我

國家服物采章之盛如

御製序所云以綿

國祚承

祐於鑠哉

天世

德作永永無斁焉爾右冠服

國家邦化翔洽天地同和大樂允諧神人胥暢洪惟

聖欽

祖仁皇帝神契元音考訂尺度

定律呂正義垂貽萬世我

皇上聖魚作述闡析樂原允

郊廟

朝廷宮縣所肄悉援据經籍

折中釐正著為正義後編復置樂部專隸其事煌煌乎聲

容器數羨善備矣廼者西江得古鐃鐘獻之

闕下適當西師者定

大武告成之會

祝

地天

符不期自集爰

詔所司稽古仿鑄復

俞廷臣請以和闐貢玉琢為特磬用彰始終條理之盛若夫飲至奏凱占律來廷亦編之太常典諸鞞鞞又豈漢樂府之白馬朱鷺明堂位之東味南任所能髣髴哉允宜備載圖編昭示無極臣等校勘樂器圖既竟謹詳數增葺釐為二卷自朝會迄凱旋為部凡八而

其序則以八音先後為次其一器再見者概不復綴異備典實而徵信從記曰功成作樂洵乎千載一時之

隆遇矣右樂器

稽古鹵簿之名肇自漢代迨宋延祐以來著之為圖說傳至今者非不班班可考而議禮無本一切畫象撫形命名制數類多因循無稽繁簡失當仰惟

皇上取鑑舊典博採彞章綜覈精詳以成一代之法守爰於乾隆十三年

釐定五輅二輦三輿及夫旌麾幢蓋旗壽縣之屬靡不斟酌
損益折衷一是

朝會之鉅典

罕躡之隆儀於是益彰臣等校勘鹵簿書冊伏見舊目
統隸一門未能條晰且自鑿儀衛職司而外尚有未
備臣等謹本之會典通禮及

欽定鹵簿圖分臚補輯紀數定名首陳

大駕鹵簿昭立仗儀衛之準次

法駕次

鑾駕次

騎駕程形系說惟肖惟稱其同制再見及

行幸導迎鼓吹諸樂互見樂器圖者概不復綴煌煌乎儀
文軌物之善有典有則而非若甘泉鹵簿以下徒詡
夫千乘萬騎喬皇典麗已也至如

儀駕

儀仗

采仗悉經

聖明裁定所以隆

尊

養辨等盛典之掌儀者燦然具備敬仿冠服圖例亦並登

馬右鹵簿

國家撫馭垓埏武功赫濯規模宏備垂憲萬年而詰戎習勤以簡軍實而勵志士益勤且至則有

大閱之典有

秋獮之禮及夫肄之戎行頒以部式者靡不儲修罔缺

訓練有方戎

皇上聖武遠揚

睿謨獨運自金川底定以來蕩平準夷勘定回部一紀之

中

膚功二奏越崑崙而括濛汜實為懿古所未有凡諸武備

形制允宜博稽臚列繪式作型臣等校勘舊圖自

大閱甲冑弓刀而外闕焉未詳謹本之會典通禮

清文鑑八旗通志及

內廷制勝鴻寶武功良具昭功紀獲諸編二部則例圖冊條具類輯分門凡五曰甲冑曰武具曰火器曰旗

纛曰廬帳增補凡三百二十有奇通為六卷於以見

戎

朝宣威制勝之盛昭垂法守遠靖邇安永永無極
右武備

小蓬瀛山會

進 呈四庫全書表

多羅質郡王 臣 某等奉

敕編纂四庫全書告成謹奉

表上

進者伏以

天璣甄度書林占五緯之祥

帝鏡懸光藝苑定千秋之論

立網維於螯極函列雲珠

媿刪述於龍躡契昭虹玉理符心矩繫三古以垂謨道

叶神樞匯九流以證聖治資鑒古德洽敷文臣等誠
懽誠忭稽首頓首

上言竊惟神霄九野太清耀東壁之星懸圃三成上帝
擴西崑之府文章有象翠嫵遂吐其天苞繪畫成形
白阜肇圖其地絡書傳蒼頡初徵雨粟之祥錄授黃
神始貯靈蘭之典洞庭祕簡稽大禹所深藏柱下叢
編付老聃以世守秦操金策聖籍雖焚漢理珠囊遺
經故在儒生宥寶惟孔鮒之承家謁者旁求見陳農
之奉使蚪文以後篇章自是滋多麟閣所儲條目於

焉漸備杖吹藜火夜讎別錄之編衣染鑪香坐校中
經之簿王仲寶區其流別定新志之九條阮孝緒撮
其叢殘括舊傳之五部勅書妙畫世摹展氏之圖捲
幔飛仙史載隋宮之蹟唐武德訖乎天寶鈿軸彌增
宋景祐繼以淳熙牙籤再錄南征俘玉元遷三館之
幙北極營都明運十艘之積莫不前徵邃古丹壺溯
合雒之蹤崑發空林青簡頻斯之篆西州片札辨
點漆於將磨南雍殘文檢穿絲於已斷竹編未朽名
認師春歊本猶携橐存班固爬羅纖碎或得諸玉枕

石函掇拾畸零均給以螺九麻紙精鏤廣購一篇增
十匹之酬華贖重緇三品別兩廂之等凡以窮搜放
失獵文林辨囿之精互鏡瑕瑜立聖域賢闕之訓結
德興而輶轄軌順經涂僭學海以沿波源通道筏然
而掇餘易匱四千卷既勻殘膏驚廣彌蕪百兩篇更
珍贖鼎丹青失實或貽誚於王充朱紫相淆孰齊蹤
於鄭默甚乃別風淮雨惜奇字而編留或如許綠紉
紅踵駸文而莫悟蘭臺度貯多如賄改漆經棗板摹
傳遂至誤尊閣本故秘書總目鄭泐滌復議校讎而

文苑英華彭叔夏重加辨證從未有重熙累洽震華
懸紫極之庭稽古崇儒冊府闢丹宸之館彌綸宙合
識大識小之無遺榮鏡登閱傳信傳疑之有準金模
特建寶思周融如

今日者也欽惟

皇帝陛下

瑞席蘿圖

神凝松棟

播威稜於十曲響振靈夔

敷文德於四溟
開神鷲

帝媯歌詠已題九萬瓊箋
臣向編摩更緝三千寶牘
博收竹素仍沿天祿之名珍
比琳瑯永付長恩之守乃猶
尋端竟委溯支絡於詞源
緯地經天探精微於義海
昭陽韶歲

持紬翰府之藏永樂遺編

俯檢文樓之帙例取諸吳興
韻海割裂雖多體宏於孟蜀
書林蒐羅終富榛楛宜翦

命刊削其譎言瀝液堪珍

敕比排其墜簡焦桐漆斷重膠
百衲之琴古壘銅班合鑄
九金之鼎復以羽陵蠹刺
或有存留宛委藏餘不無
佚漏十行

丹詔徧徵汲古之家七錄緗囊
廣啓獻書之路逸經斷策
出自大航襍卦殘編發從老屋
錦帆據舵孟家東洛之船
玉軼飛軫吳氏西齋之軸
鱗排玉字多王禘之所未聞
筍束金繩率張華之所莫識
光明繭紙朱題芸帙之名蟠屈
鸞章紫認槐廳之印紅黎
隔院曹司對設於東西青鏤
濡香品第詳分其甲乙

天潢演派光連太史之河
卿月澄暉彩接文昌之宿
總司序錄叨揚億之華資
分預校讎列任宏之清秩
銀袍應

名驤雲路以彈冠粉署徵才記仙郎而題柱懷鉛握槧學
官願效其一長切線割園博士亦研其九術遂乃別
開書局特分署於

龍墀增置鈔胥競抽毫於虎僕圖與史竝陳左右粉本
鈎摹隸與蚪魚備古今絲痕竭扁曹連什伍各隸屬
於寫官工辨窳良均精研於計簿提綱絜領董成者

職總監修補闕拾遺覆勘者官魚詳定庀器預儲於
將作棊几筠簾專餐徧給於大官珉糜珠餽溫鑪圍
炭紋凝鶉鷓之青朗覽涵冰色映玻璃之白花甄入
直地同兜率天宮蓮炬分行人到娜嬛福地瓊箱牒
送全搜勝囊帷益之餘

芝殿籤排共刊木扇金華之謬程材效技各一一而使
吹累牘連篇遂多多而益辨香霏辟惡擁書何止百
城瀋漬隄靡削橐寧惟兩屋譬入衆香之國目眩瞽
於花光宛遊羣玉之峰神愕眙於寶氣豈但鴻都多

士誠聞見所未曾寔令虎觀諸儒辨妍媸而莫決所
賴恭承

睿鑒提玉尺以量才仰稟

天裁握銀華而鑒物初披卷軸共掇零璣即荷

絲綸務罄完璧吳澄易翼辨顛倒乎陰陽楊簡詩音斥混

清乎周漢稗官勦說刪馬角之荒唐譯史傳聞摘象

胥之譌異醮章祈福發凡於劉跋之詞語錄參禪示

例於齊熙之記固已南車指路陟道岸而衢亨

北斗旋杓揆文星而度正洎乎羣書大集品雜金沙

聖訓彌彰鑒澄珠璣詰經忌鑿點錯簡於龜文論史從公

溯編年於麟筆立言垂體四明之錄必刪廢古誣真

五柳之名宜辨七籤三藏汰除釋老之編五蠹九姦

排斥申韓之術毒深孔雀無容校寫其青詞巧謝璇

璣未許增添其錦字小山艷曲削香奩脂盞之篇金

谷新詞刊酒肆歌樓之句凡皆詞臣之奏進誤點丹

黃一經

聖主之品題立分黑白至於銅籤報夜

紫殿

勤披

玉案開緘

丹毫

親詠五家易說政塗附闢其傳燈四氏書箋餘緒兼詳乎
括地前車後鑒陳風雅於經筵斜上旁行寓春秋於
世本廬陵處士特申僭上之防安定門人大著尊王
之義王元杰名同讞獄為雲谷之重儆洪咨夔跡類
探囊竊玉川之餘瀟四箴誤註寧知顏巷之心二佛
同稱轉隘尼山之量六經作繪全收諸楊甲圖中七

緯成編知出自莊周書後五音分配篆文互備其形
聲二史交參奇字各通其假借古香醜韻細辨班書
碎腋穿連重刊薛史清流肇釁示鑒戒於東林正統
明尊存綱常於西蜀派浴涑水表朱之新例兼存俗
記扶餘班范之訛傳竝訂黨碑再勒嗟揖盜而開門
權燄彌張嗤教星而替月西湖遊蹟殊憐野老之藏
名北使賓筵深陋詞臣之校射宋鈔僅賸菟舊志於
臨安金刻稀聞寶遺聞於貞觀或攻或守徒存十鑑
之兵謀相勝相生未信五行之德運建爻政草媿彼

中興至正刑章斥其左袒李尊洛學辨道命於天原
鄺註桑書剖源流於地理史腴詳摘有逾漢雋之精
經笥懸探更勝曹倉之富至於孔庭舊語首定儒宗
蔡帳秘文嚴排異說范祖禹之帝學具有淵源曾公
亮之武經姑存崖略橫戈危堞節取陳規握策靈臺
參徵蘇頌筭窮杪忽九章研鮑澣之藏術雜縱橫十
卷稽趙蕤之撰楚中隱士互權韓柳之評婺郡名賢
不廢呂唐之學臚登識記衍洪範而原非妄議井田
託周官而更誤錢塘遺事深譏首鼠於宋元曲滄舊

聞微憾操戈於洛蜀絀聰有取旁通方朔之言指佞
無難慎聽韓非之說陳思書苑列筆陣而成圖馬總
意林寡詞條而擢秀黃伯思之博洽石墨精研孫逢
吉之淹通雲龍遙溯多知舊事病歌舞之銷金一洗
清波笑詞章之諛墓太平御覽徒粉飾乎嘉名因學
紀聞偶抨彈其迂論晚唐小史八厨寧取乎危言南
宋枝談按鞠深嫌其曲筆十七卷騷人舊製更證以
草木之名二百年吏部清吟特賞其烟霞之氣魚推
韓杜續來鳳嘴之膠並採郊祁擬以棠華之句文恭

著作先歐尹而孤行忠肅風裁抗蘇程而角立勤王
留守呼北渡者凡三殉節侍郎壯南朝者惟一學如
和尅原不限以宗朱詩到儀卿乃轉嫌其入墨讀書
祕閣明詹初論古之非從宦金淵賞仇遠耽吟之癖
楊維禎取其辨統而頌莽則當誅劉宗周閱其完忠
而吠堯為可恕凡茲

獨斷咸稟

睿裁懿此同情寔孚公義苞千齡而建極道出於
天綜百氏以歸型言衷諸

聖權衡筆削事通乎春賞秋刑絜度方圓法本乎

乾規坤矩是以儀璘懸耀揆景晷趨鏞棧先鳴聆音麇集
鯨鐘方警啟蓬館以晨登鶴籥巖闕焚蘭膏以夜繼
披文計數寧止於萬七千篇按月程功務得夫四十
五日裁縫無迹先成綴白之裘傳寫相爭齊炙汗青
之竹架羅黃卷積盈有似於添籌几擁烏皮刊謬時
防其掃葉畢昇活板漸看字是排成曾鞏官書已見
序稱校上加以

乾行至健

七旬之念典彌勤

離照無遺一字之褒譏恒審梁鵬練士庾郵遞初寫之函
雲路延方乙夜展重修之卷至三至再戒玉指之遲雕數
萬數千摘金根之屢誤坤原為金魚收刊板之訛羊
或作羊細檢鈔書之謬毫釐不漏戩旁添待補之戈
塗黠必嚴羅上辨續加之罔削除不盡時

飭以晏下雌黃輪郭空存常

指其竟同曳白

明周織芥共欽

睿照無遺報之微涓彌覺媿心生奮若夫考勤校情督課
雖詳荷寵邀榮

恩慈寔渥風雲得路先登或列於九官

雨露均滋中考亦賜以一級栢臺聯句聽鳳律之新聲芸
署題名踵麟臺之故事墨勻蝶翅祖帖雙鈎帙簇龍
紋

天書五色猩毛擢穎膩魚子之華戔龍尾雕紋融麝煤之
芳氣銀罌翠管細縈百和之香錦段香羅交映五明
之扇繡囊委佩鈇貯朱提珍毛毳豐茸帕裁白纒雕盤

列飭果分西域之甘華組嘗新瓜勝東陵之種自

天宣賜多非夢寐所期無地酬

息惟以文章為報周賅始末擬勒長編別採英華先為縮
本曩長庚之紀歲慶叶

嵩呼屬太乙之占祥象符奎聚八年敬繕挹古今四庫之
精两部分儲合大小二山之數惟全書之浩博寔括
羣言合衆手以經營倏逾數載香薰蘭積方粗就而
未終閣聳雲楣已先成以有待文河疏淪初如江別
為三筆海朝宗繼乃瀆增以四望洋無際慮創始之

為難登岸有期幸觀成之可冀較刪繁之別帙又閱
兩年勤彙總之鴻裁乃盈一部挿籤分帙次按乎甲
乙丙丁列架臚函色別其赤青白黑經崇世教貴實
徵而賤虛談史繫人心削誣詞而存公論選諸子百
家之粹博收而不悖聖賢懲十人九集之非嚴汰而
寧拘門戶上沿虞夏咸挹海以求珠下採元明各披
沙而見寶六千篋璋分圭合延閣儲珍二百卷部次
州居崇文列目釋名訓義因李肇之解題考異參同
近歐陽之集古事稽其寔循文防誤於樹萱詞取其

詳求益非同於買菜人無全義比量尺短寸長語或
微疵辨白玉瑕珠類一經採錄真同鯉上龍門附載
姓名亦使蠅隨驥尾元元本本總歸

聖主之持衡是是非非盡掃迂儒之膠柱至其盈箱積案
或汗漫而難尋復以提要鉤元期簡明而易覽譬諸
典謨紀事別行小序之一篇類乎金石成書先列諸
碑之十卷分綱列目見義例之有條按籍披圖信源
流之大脩水四瀛而山五嶽侔此壯觀前千古而後
萬年無斯巨帙蓋非常之制作天如留待於今而希

有之遭逢人乃躬當其盛叨司校錄寔忝光榮臣等
功謝囊螢識同闕豹鑽研文字未能脈望之通仙延
緩歲時僅類翰通之食墨仰蒙

訓示得聞六藝之源曲荷

寬容許假十年之限百夫決拾望學的而知歸一篲成山
營書巖而幸就欣陳寶笈對

軒鏡之澄光恭進

瑤階同義圖之永寶從此依模狀范若疊矩而重規因
之循軌知途益輕車而熟路先難後易一隅可得而

反三謀始圖終百里勉行乎半九精心刊誤八行細
檢朱絲協力鳩工萬指齊磨烏玉連綿告藏竚看四
奏

天閭迅速先期不待六更歲籥人文成化

帝機運經緯之功

皇極敷言

玉路示會歸之準觚稜雲構鬼裁乎銀榜璇題方策星羅
珍貴乎金膏水碧曰淵曰源曰津曰溯長流萬古之
江河紀世紀運紀會紀元恒耀九霄之日月

竝五經以樹訓

道通乎丹書綠字之先合六幕以同文

治超於元律蒼牙之上臣等無任瞻

天仰

聖踴躍歡忭之至謹奉

表恭

進以

聞

寶篆八徵省歲月日星而來備三乘三

履統天之御五十五叶大衍之全

萬歲樂以由庚

八表盈乎步成環瀛喜洽戴斗愉騰

鑒黎赤之貢賤爰

允祝

釐之請籲簪紳而載筆特摛紀盛之編粵若繞電兆禧流
虹駕祐祁乙酉媯丙戌宛授受之相承武庚寅文壬
辰儼後先而中立軒轅以戊生為土德之王成湯以

乙日應元鳥之祥三統云遙邈莫詳於僂祿六帝未
逮但得半於添籌溯唐室之開元肇誕辰而立節絲
囊綬帶通戚里之饋飴白帝田神託民間之報賽張
九齡千秋金鑑之錄徒緬古風王虞休八宮誕聖之
歌侈嗽俗樂談延泰成徐岱陋三教講論之誣大同
紹興至元鮮一代聖神之寔縉九流之舊目探四庫
之新藏從大撓納甲以來罕臻茲會即史皇制字而
下未見有書維

康熙初集之垂迺癸巳

六

旬所輯圖鐫翠版蹟耀金繩時甫當

飴侍

冲齡

聖以繼

聖

逮今而觥稱

大慶書不一書

德紹

祖

以彌謙遲二十年之後事屬辭而相比昉

七十壽而加首冠環甲之

詩

文次敘近甸之

功

德鏤瑞疊祥駢之牒用告嘉符注晨叅晝會之班式彰鉅

典設科蠲賦

恩賚示

上德之宣猷冊濡毫繪頌採下情之達攬目枿八門之富

撫寔祛一語之夸臣等率同總纂纂脩等雀躍編蒲

夔矜授簡馮典禮典屬之牘官舉上儀鳩工書工畫

之儔子來副墨矢寅衷而成帙塵

乙覽以仰

裁竊省全函是億

億齡之起例試攄六事洵萬世所曠逢自昔

睿文輒竊閱製躋山躋垤克戒三言風薰風時舜琴一操

朕在位七十載紀言出自史臣厥享國五十年述德

乃由家相令則同

天

道久與日

銘新

詩取編年歲積黃綾兩本

文真壽世義通漆簡六經每錄數篇即哀多卷

道充尺籍百倍於堯典禹謨

聖惜寸陰長閱夫皇春帝夏斯萬世未有者一也間尋蠹

籍競詫鴻功獫狁近逐於太原徐方遠矜於江漢勤

軒皇之教戰尚恐霧迷謝光武之閉關自勞鬢白今

則

四知先覺三捷頻馳赤囊靜洗於鯤身銅柱遙開於象郡

驃來獻樂番伏頂經

時措之而咸宜老謀壯決

天巍乎其固外大畏小懷有未如歸我戰則克况乎濛西
拓土事早在卅載以前藏外

宣威勝績入十全之記斯萬世未有者二也有媯宅位猶
戒倦勤周穆詰方必言荒度演洛書之嚮用次在康
寧數曲禮之引年名殊耆艾今則

日強以敬

天健維恒宵衣旰食之居諸夕惕朝乾而悠久

禮

社廟祇

升歆匪懈於

躬行日月農蠶抱蜀咸周於

親獻秋上蘭而講武塵清

六轡郊原冬佛臘以

臨筵步陟三層樓閣玉雕鳩首屏榔栗而未扶楮灑蠅頭

却靈黷而弗御不導引而壽

聖與人同亶聰明作元

天

之將縱斯萬世未有者三也諸家譔述多驚禋祥元狩元
鼎以紀年神爵神麇之建號餘杭半壁鱣披濩澤之
圖丹徒布衣史創吳興之志今則
寶道不愛

福祿罄宜見元孫者二百家慶餘

徒室師國子者百五歲

講聽槐街鹿鳴邀再宴之卮麟趾捧四男之粟然且皖呈
黑米詎若屢綏晉報清河何如底績冬藏蝶見

什僅勃於太常春始帛飄事弗宣於史館惟

厘民壽年豐為上瑞不謂天時人事之

邛隆斯萬世未有者四也古云職貢例付丹青立本摹列
國之衣冠賈耽誌諸蕃之道里漢屯戍已羈縻右臂
之謀明致梯航荒冒西洋以外今則

舊基締構

新宇規恢胥此享王躋之

仁壽畢班壁特因頤婦而

賜翎華薦由東稟魯人而薙髮緬使順徠於花象交王敬
覲於朱戴坎扒窪解貢名經珠露海知書

慶節汗王台吉竝集文閣屯練降番亦依
仙仗天高秋孟

山莊

特宴生身日近年班沙塞本行熟路斯萬世未有者五也
賦徵忠愛頌媿形容卿雲復旦之詞賡惟八百栢梁
和時之唱睽者數臣吳楚不登於國風壽穀僅肄於

樂府今則

文思光被

典學崇深

一記挾洪範之精

兩論闡中庸之蘊趨彤庭之

訓

皇子聞詩播紫閣之章陪臣屬和謠衢三百

睿句被以筦絃祝嘏十千夷樂譜為傑侏

手第從臣之頌荷

加恩者十人胷開下學之門

俯改題者全韵詩以言志臚謳吟舞蹈之歡

君乃作師廣敦厚溫柔之

教斯萬世未有者六也如上所系悉載於書綠字赤文

長生之芝錄琅函玉簡握益壽之蘿圖炳爍

天文煒煌

法迪

冊府流曜藝林克以勲而舜以華書皆名典旦繫文而文

繫卦易統稱周

頒向綿區彌下際上蟠之宇度諸

槩几排左圖右史之籤從茲

萬壽重輪繼此十年一部蜚英聲而騰茂寔人皇萬八千

歲寶緘益叔於酉山揚偉績而張鴻庥

盛典百二十弓秘錄允推為甲觀臣等曷任歡欣踴躍之

至謹將纂成

八旬萬壽盛典裝潢八函計四十冊隨

表恭

進以

聞

文章莫大乎是薈成

八集之書堯舜以至於今親見

十全之寶配雅頌典謨而益上暨變諧漸被以大同籍冠
縹緗勳標金石臣謹誠歡誠忭稽顙首上言竊惟聖
人既作立德功言而三遠古以來與禮樂刑為四弦
張劉矢庖犧開一畫之先鼉怒鸛爭軒后握八竒
之勝四代之書渾噩爰登征庖戰甘六義之教溫柔
必采芑鉦薇旒過沛而思守士歌逐雲飛得隴而畏
發兵詔梅鬢白渡遼阻涇閭字靈漢武高臺雲裂星

沈夸詞蝕薛舉戰地鏡幸靈之碣羈縻致頡利俟斤
賦飲至之章部曲得突干屈刺太原平晉之記側石
聞捷之篇西夏至關中祕畧笑矜其神武北朝盟城
下凱旋愧詠彼大名謀失復湟別集不頒祕計身徒
航海御札尚詡邊機皆武功未極其張皇斯文格彌
形其翫敲或尋常么種偶礪及於壹戎或咫尺中原
詫繫纓於貳負或邊臣傳箭葭聞廟算密操或文士
捉刀罕見睿思親製從未有萃天數地數以成十記
五俘五款新作一經觀人文天文而得全釐萬首萬

篇類為總集如

今日者也茲蓋伏遇

皇帝陛下

智勇天錫

剛健日新

禮中庸之宜民得位得祿得名得壽

書禹謨之廣運乃聖乃神乃武乃文赫矣

皇清承茲

寶命肇

龍興於樽海定

駿烈於燕都起俄朶里而

奮戈

書薩爾濟之

秉鉞纂

開國之方略幽三單而戰杏戰松

紹法

祖之規模湯四征以平滇平朔蓋弓矢乃八旗之舊俗而

神武寔萬世之

家風咸仰

聖人克篤

前烈引威張而在掌蘊智劍以從心擴柔遠能邇之

閔猷裕內靖外安之

郵治自初

御宇十年從未言兵惟

塵詰戎一日弗忘講武不得已而用師往有功先所利而
為我戰則克溯厥長蛇封豕莎羅奔逞滄食之謀因
而定符存駝良爾吉麗漏師之罰碣門高北條憂魚

爛之危箐窟平沈敢緩羊牽之請石棧連而蜀破臨

衝第而崇降

初定金川第一

厄魯特疆又生巖達瓦齊叩還

負塵用來降之力春二三月以出師成不戰之功夜

廿五人而斫陳遂繫烏孫之部長兼纒青海之逋臣

初定準噶爾第二

副將軍飽則鷹揚輝特汗晝思鼠伏師洗

再入固札廟之牀灰飛孽現羣消伊犁河之流鞭斷

檄哈薩克而鮒窮密網竄俄羅斯而鵠落空弓

再定準噶

爾第三脫奴隸以戴

思嘯弟晁而偕

佛始獲髮而朝正

初定廓爾喀第九

貪以信讒嗔因責賄綫巖鈺

潘入阻傳陽布之庭象齒馬號出顛敏噶箕之使既

七勝示之必克逾

八旬全底於成

再定廓爾喀第十

綜茲十盪十決之多恢為一尉

一候之寓西斟濛汜東怙滄溟北隰王母寡之城南
隘馬伏波之柱勒圍雲斷熱索雪消關絡十三版納
之司貢旅八百媳婦之國添時憲書之格日出入常
跨兩時益

皇輿表之圖里廣袤且崎三萬計

一人之審幾決策運於無形當

五夜之發慮出謀煥乎

有作方披軍牘即紀捷以盈篇未達郵機每發蹤而累什

西師詩蔚為

鉅製新樂府

闡以大經上已禊辰勞帥之七言八首西池紫閣落成之

六韻四章舶轉白螺

避暑之筵載詠臺臨赤縣

清蹕之路頻賡瑪瑞入陳之歌格登摩壘之曲寫戰圖而

句補尊

靈燾以函鏤玉壘佳音三十章
蟬聯敲鐙金淵別體十
二辰象肖嵌珠李青蓮之蜀道
徑卑白少傅之陰山
義反何知韋應物採玉如花欲問杜少陵
屯田有麥
上元排卦師六爻貞叶燈詞左个演疇武七德績臚
茗宴聯鯤嶼繼聯戴嶼申春酉春定回疆復定藏疆

卅韻卅韻

論昭開感

旨繹信

天

弁圖志於九埏序同文之重譯四碑願負虹光籠太學榮
槐片石螭承星彩映灤庠獵鼓伊犁三回部二

御銘鐫葱嶺之巔臺灣二金川三

天筆勒蒼崖其上史記南夷西域元逋遮考世系之詳圖
踰麟閣雲臺我忠蓋等功臣之贊崑山隸版降人解
抵鵲桓寬驃甸徕庭隘使過牧羗蘇武品超乎杜詩
韓筆能獨勝者能兼長義色乎豹略龍韜有武備者
有文事至若土爾扈心依樂國全撫衛拉額黑木首
創邪謀永寧烏什置懋功之協屢聞屯練建勳

褒嘉義之名又見生番獻

壽踰朱方之浪泊囊括占城定黃教之奔巴籤公佛座事

悉牽連而大定例皆緝綴以得書

行三軍則好謀而成

衷六藝以多文為富紅旗隨遞良平之羣策誰褒

丹稿賁宣游夏之一辭莫贊閱四十八年而分集羅千六

百首以彙編炳若春秋次第而表年系月稔然本末

分張以比事攬門六九卷制陽開陰闔之奇廿八冊

布宿舍星躔之麗

聖辭攸繫具微彰剛柔之四知

天聲所揚俯甲乙丙丁而一部臣荷戈力恭簪筆才蕪幸

獲際於

燕辰壘預聞於

鴻捷木天通籍及

午門觀二部倬儀采殿隨班更寅陛聽兩金鏡吹捧

雲章而先觀翹仰觚稜接露布之遙臻欣磨看鼻肅細書

於

金匱盥給札於

琅函惜馬遷未過其時徒列衛青霍去病之傳晒蘇軾
欲張其代迺艷董擅溫谿心之禽壓韓愈平淮蔡之
碑書讀何須萬徧陋班固侈燕然之頌序銘僅止百
言於

御製集妙出行機與

說經文相為參兩激諸

香案肩

守成

創業以相兼

頌在藝林心

盛德大業之所自伏願

升恒幹運

垓秭積籌

道若循環靖戢矢橐弓之後

德如覆笠冒橫章繼亥而遙符願無斯事之

吟懷修文有懷偃武

抒戒之在得之記謝勇功並謝智名作之

君作之

師稽循蜚疏乞叙命因提賢於泰初十記合其德合其序
越赫胥尊盧驪連粟陸允為

福壽全人臣曷任雀躍膺服之至謹將編次

御製詩文十全集五十四卷計二十八冊裝成四函隨

表恭

進以

聞

進字惠全書表乾隆六十年

太子少保協辦大學士吏部尚書臣彭元瑞謹

奏恭惟我

皇上保赤誠求愛養億兆

御極六十年以來蠲紓振貸之政周溥稠疊計發帑金鉅

萬萬有奇

厚澤深仁淪肌浹髓實懿古帝王所未有臣謹排輯

御製詩章

欽頒諭旨分類此事系月編年纂為

享惠全書通部告成敬奉

表恭

進者伏以

政在養民六府孔修功廼叙

皇維建極九疇曰富壽為先

道參化育之成輔相裁成而泰有福

德協清寧之撰天施地生而益元方紀謨典以歲增濟義

頊陶妣所未逮披度支之日積竿京垓億枵而猶逾

汜濩寰區玠璘冊府臣謹誠懽誠忭稽首頓首上言

竊惟國徵九賦守急公奉上之經井養萬民篤施祿

及下之義貢助徹非民非吏校以為常租庸調用二

用三取之有制定茲兩稅沿自列朝實量通用仍之

恒規允踐土食毛之公詛謂什一之灋僅取於公田

故三五以前罕聞於蠲制然而周官荒政首臚散利

薄征左氏遺文侈談施舍已責禹憫無糧而製幣湯

勤有禱而鑄金洎初漢發庾以振偏擘同時除租而

減半水耕火耨下巴蜀以致江陵寇隔軍輸免陝鼎

而連幽管弛車船之用傳勒豪富以儲餘就食而仗

外負擔量試或御前作粥持節開倉於河內僅聞汲黯便宜降旗拓土於江南猶遣高紳檢責守財鄙封椿之庫催熟苦追欠之司吝施於故宅比鄰賜復但渡江將吏在官惟祠牒之可乞遇貸乃白紙之猶收或兩三郡之陘區或數十年而創見金部時因而手來瓊林祇務於額盈民隱弗聞小惠未徧從未有涓八黃之雨露十行每下系千萬計而羸哺百室之饗殮一食不忘統六十年之久如今日者也茲蓋伏遇

皇帝陛下

惠均燾載

治懋登咸

躋九表以由庚雨暘寒燠風八徵未備

建一元而周甲^{宮商}角徵商羽宮十紀齊年俾萬邦咸樂於

豐綏猶

乙夜長殷於解澤功補造化如以春風風人夏雨雨人澤潤生民胥曰解衣衣我推食食我仰

作求之

世德所無逸於民依普蠲歌

仁祖之

歲賑監

憲皇之

宣重光而彌耀善

繼志以加隆容保有臨名言莫罄敬撮陳夫萬一真度越

於尋常懿十載之

錄膺首除夏稅符六旬之

馨告悉放秋租疊燕喜於

慶辰沛鴻施於

壽宇匱封藏鏹四番之縣帖毋追晦滯餘糧三度之軍帆

可歆輪府州而劃界嚴以防吏蠹官朦

教敦睦以善鄰婉為

諭業家佃戶

右 普蠲 錢漕第一

雖舊籍踵行於前代而

新綸額豁於崇朝柳壓沙埋赦瀕海瀕河之磽土山頭湖

尾停新畝新畎之升科祝解網之仁台海勿收魚課

祛算舟之失吳江莫進鮒鮮惻遺累於前民滇交馬

折縑畸零之小戶瓊納牛新

右 減除舊額第二

維耕斂之省

有延而

車駕所至曰幸

陪都

四莅裕陟岡過澗之農南國

六臨普蟹稻蠶桑之利檢玉之山嵩岱輦下取千布金之

地臺懷輅前合十津門夏諺

恩覃於維赤維畿灤塞

秋蒐級視以免三免五

右 延幸
蠲免第三

者定餘

十全之績平成告四暨之

功粒粟寸絲不擾里間之派輓芻興畚且從例外之銷度

征緬之驍師

賜必徧楚黔燕豫帖浸荆之鯨浪官為脩垸塹隄圩屬茭

捷於龍岡出帑既千餘萬嘉篚壺於鹿港蠲年閱再

而三

右差役蠲
緩第四

當三時共飽於倉箱或一隅偶虧於

墉櫛巢鳩忽毀俄零寧夏之膏舟鷁初延已濕漢川

之敵淮徐海吐吞黃渤動不稅以連年延榆綏襟帶

甘涼每同霑於千里霸汀角淀賦錯準乎水痕河北

畿南耕分饒乎雨後

右偏隅 緩第五

方量吏騰封而辰告

塵隱民枵待以庚呼二舖代謀權本色折色之孰便三倉許借判減息免息而有差例有分草房瓦房之殊

息加兩倍戶無論極貧次貧之等

特予長川騰黃間帖於批符新春遞展蠶白尚存於柳榦

舊歲猶增

右偏隅 借第六

謂食乃民天而漕供

帝庾卸運艘之貢粟委雪於臨德津通泛遼碣之高困移

霜於金復海蓋謝多儲於倉部毋飽雀而餓農戒過

糴於鄰封徒秦肥而越瘠雁戶既豬於挹注旗丁益

以月糧鳩商各驚於懋遷關吏止其日權

右截撥 食第七

睽瓦盈望懸於升斗為蔀屋籌密於錙銖出入皆肥

縣吏派單之弊公私兩便定殷商領糶之程樂歲債

關外之糶梁燒鍋弗耗瓌計涌市中之菽豆戀棧無

飢廩不隔年豫以官糶甲米春無百里監之羽衛卿

員右平糶 減第八庶哉人海之浩穰飽爾衢尊之斟酌視

皆同於黎赤救餒柏冬憐不接於青黃寬期過閏取

禾三百堂普濟以歲添賦粟一鍾啟分城而日給望

闔閭而腹果茲則乘驄賚資斧以方充歸其叱犢京右

敵常賑第九任土効填倉之奉逢年間倚閣之逋咨爾西

陸

軫瘠確荒寒之地

惠此南土乘

豫遊巡省之年省惟正之供旁逮於耗銀漕項破一成之

格曲周於鑪戶倉夫昔也

御宇乘龍隨

息詔都從於錫界今而應

天

垂象環

皇輿共迪於吉祥右蠲除積逋第十允茲六合之蒙庥都秉

一人之布德

淵神沖裕乾能義利而健行

景運綿長頤以養貞而觀物境擴於七十二伐以上屆習

荒邊隘而靡遺財盈於再三十年之通捐貫朽粟紅

而弗會當夫

披衣問夜

秉燭待章課雨量晴追稷后農神之烈洪縻黛耜勤和成

義作之

躬驛騎早馳甘雨詢寸分之入贖函終達
醲膏無信宿之淹未到興勸

卜雲同於隴雪及時翻耒觸霞烘於山桃維幼農勸耨之
心未覺勞迺發政施仁之利無不博約十載必達於曠典

倮決日固缺於

息言三月霄龍拾級

步靈潭之禱

八旬策馬觀稼出

麗正之門卻

七秩之稱觥

古稀戩穀繹八徵之篆寶

耄念錫康齡高夫蜚佻栗驪與三皇齊

論年之永數綜於壤溝正載以十等持發帑之籌亭育乎

鯨國鷓邦滲澆乎觀音象譯序回人之屯種

詔猶蠲烏魯木齊贍部衆以谷量飢不餐楚拉啟勒府原

改土麗江散出戶之莊奴營屬平番元壩杜私收之

貝母臘白三寨一例輟其狐皮巴裏兩塘半流裁其

馬價西隄藏地三十九族得食得衣南涉臺員九十
六社自耕自種從古荷戈天外限戰場而甌脫不耕
於今隸版域中入戎索而釜炊同熟蓋以年豐人壽
百五十二年遊

樂
利之天所由守位理財七千八百萬羨幅幘之賦節宮中
之用度

論著示崇儉為歸絕藝外之徵求
鑑評斥大盈之陋三登慶夫大有猶
殷於欠少輸多一飽樂以同人還

誠以毋遺寧濫方興版築又來移粟之舟正峙儲胥併乏
打門之吏惟豫大豐亨之會地上錢流乃咸速恒久
之時甌中飯溢時則司農宣

勅守土飛箋仰銜

肯於雞竿速播音於駟策牛柵雞埒之側眾口爭傳齒鯁
髮鶴之倫屢

思能述方且琴揮玉軫

歌作阜財墨灑金壺

詩成書事春初

試筆帙聯加賑之章秋甫登場

句較收成之數

命重臣而治水長言仿同谷之歌

勗大吏以承流

德意切下河之歎或郵畿記里

什總分疆或

息榜開科

韻還合璧寄懷雞飼丹青

摹李迪之圖鼓腹鴻磬卒今摹史蒼之字本皞熙之

寔政宜方策之成編自如氏厥貢名書釐銓結篋色之式

越漢家因計上簿具祿田錢穀之科唐元和十卷紬

函宋金耀六曹架閣景德錄傳於會計建中籍奏於

須知皆注歲入之常經未聞匪頒之成數惟馬端臨

撰文獻之書昉漢孝文減田租以來兩立蠲賑之門

下訖宋元之際累朝曠邈蓋三千年於茲善政稀疎

取二三策而已孰若

今之

雲章排日

天語宣春

吟含磬護之音

諭簇龍鸞之軸試條分而縷析

旨且數千從州次而部居

詩真三百曰風曰雅曰頌民事極函籥之三如絲如緯如

綸

王言大渙汗之五攬卷叶羲經之卦區門配孔翼之篇煥

乎鉅觀裒然總集嘗讀風雷之象夙欽

天地之文維有孚者我之心即勿問者民之感託玩占而

見道比程傳朱義之說長根

寔踐以

立言誠克步舜趨之賢遠取諸孚惠名此全書聆

御論以闡經百姓足孰與不足備

福疇而衍範庶民同是謂大同臣學淺帶勅識迷把算生

飯稻羹魚之俗秧馬曾騎誦縣貺瞻特之箴

楓螭就列運幸逢於

熙洽世共渥於和甘遠信鄉枌聽輿歌於里社使遊英蕩

採塗頌於

天衢載筆思効於編摩越周禮遺人委積授簡頻生其歡
喜笑蘇家杭守奏章忝領職於

起居日緝黃冊叨依

先於供奉先覩

丹毫虔緝就於寶書肅繕呈於

瓊案伏願

蕃禧益茂

純嘏彌常

以赤子之心為心乾乾惕若

後天下之樂而樂鼎鼎福耒耕九年餘三年極縱亥橫
章皆稷翼黍與之地澤下尺生上尺合箕風畢雨致
獻羔饗酒之忱

惠我無疆祝臺萊者樂只

萬年心久依生成之父母

孚于不戒頌勳華者康哉庶事身親見

克舜之


君民臣無任歡欣踊躍之至謹將所纂

享惠全書六十四卷計三十二冊裝成八函隨

表恭

進以

聞



進校 仁宗睿皇帝聖訓道光四年

惇親王臣綿愷等跪

奏為校刊

聖訓告成進呈請

旨謹

摺

奏

聞仰祈

聖鑒事道光四年九月經

聖寔錄館將漢文
聖訓

奏交臣館校勘刊刻臣等督率在館人員敬謹將全部
校刊完竣計一百一十卷彙為二十二函謹刷印裝

潢恭

呈

御覽欽惟

宗睿皇帝臨御二十五年

治仁典昭垂

敷顯言燦備

謨承烈綜經法而靡遺

文煥功魏仰範圍之具在當慶成于剞劂俾延布于垓埏凡

屬臣民同深懽忭向有

盛京恭貯及

頒賞陳設各本先於四月內經總理臣等核照成案酌擬

部數

奏蒙

聖鑒在案並聲明俟通行刷印完竣遵奉施行伏查恭校

仁宗睿皇帝

聖

訓與校勘尋常書籍不同且向來辦理各書均由原館移交底本臣館照繕宋字發刻此次原館所交係黃繕本未便發與匠役繕寫臣等督率提調飭派幹員先辦付本一分悉心核對再繕宋字恭校刊刻比之歷屆辦理倍加慎重茲

聖

訓全書告成除臣等總裁不敢仰邀議叙外提調官翰林院編修張日昫王炳瀛在館年久寔心經理合無仰懇

天

恩量加鼓勵查嘉慶十七年恭

進

高

宗純皇帝

聖

訓欽奉

諭

旨武英殿提調官編修陳鴻墀著遇有坊缺准其入于二十名內開列帶領在前欽此此次若仿照辦理似覺過優現在該二員俸次俱已進二十名之內臣等酌擬請照

仁

宗睿皇帝

寶

錄告成作為二等翰林官議叙之例遇有應升之缺論俸

開列及帶領引

見時均將議叙之處于該員名下註明候

旨升用前任提調官現任浙江湖州府知府成世瑄曾辦
底本著有微勞應請咨部議叙至核勘各官查上屆
係用原館已邀議叙之員此次係交臣館核對所有
總纂纂修均請酌給議叙並校錄收掌供事等俱由
臣等分別功課仍照

皇朝三通書成之例辦理此內收掌筆帖式年昌阿差使

勤慎上年三缺議叙經吏部

題准以應升之缺隻月升選六缺後升用業已將屆到
班此次應請歸部即已選用監造處柏唐阿定邦吉
靈阿飭催匠役均屬勤奮並請酌給優叙咨行內務
府辦理至供事中候選府經歷江文鐸張書紳從九
品席丙徐夢龍周用展饒谷蘇逢春竇桂齡常煥倪
端未入流吳惠王汝林逐日在館當差始終奮勉請
照恭逢

高

宗純皇帝

聖訓援照

皇朝三通書成之例准其以應得之缺先行選用以示區別是否有當理合具

奏

進安徽省志道光九年

安徽巡撫臣鄧廷楨跪

奏為勅修安徽省志告成

奏祈

聖鑒事竊照安徽省自分省以來未經輯有通志道光五

年經前撫臣陶澍議請勅修

奏奉

諭旨予限一年纂輯成書等因欽遵辦理復經前撫臣張

師誠

奏蒙

恩准展限在案臣接任以來督飭纂修各員廣為蒐採詳慎修輯又以門類煩多分手編纂詳畧不無互異復延聘學識優長通達史例之人總司其成覆加訂正刪繁潤簡討古論今俾體例不致參差文法均歸畫一茲已纂輯成帙并經校勘完竣分為八門通計二百七十卷繕成正本一分恭呈

御覽欽惟我

皇上道協調鴻

聲昭適駿

絜乾綱而不覆

德合無疆

環坤絡以宏包

息周固外

辰居紫極車書大

一統之規星紀黃輿土誦典四方之訓遵正直蕩平之路無黨無偏會和親安樂之書有倫有要粵稽江南通志從前已有成編逮乎皖土分藩迄今尚無專籍風

移信易不無損益之殊代遠年湮惟備研摩之助苟
修明之弗亟將考鏡其美從茲者仰荷

恩俞廣為諏度發凡起例詳定規程徵獻考文旁蒐事蹟
訪閭閻之故實聿事表章參郡邑之陳編悉衷體要
地理與人倫燦列文章偕政事相宜百度惟貞綜任
土作材之利三事允治叙厚生正德之經隱括八門
縷分各類溯自己酉之夏議請肇修迄今己丑之春
編排畧備雖藉資乎群力寔稟奉于

宸謨臣學愧三長慮慙一得幸與編摩之後獲觀志乘之

成竊虞聞見異詞敢納方言於

壁府惟冀

絲綸

垂範庶標上格於

金模所有勅修安徽省志告成緣由臣謹會同兩江總督

臣蔣攸銛合詞具

奏伏祈

皇上睿鑒謹

奏

國朝奏疏卷四

廣颺

蕭山 朱樗 雲木 編次

陳謝上

謝頌清漢 聖訓 田文鏡

謝頌 聖祖仁皇帝聖諭 同前

賜 御書單條對聯 鄂爾泰

賜 御書福字 彭元瑞

賜 御書福壽二字 阮元



謝頌 世宗憲皇帝文集

孫嘉淦

賜 御製全韻詩

賜 御製詩文書集

廣西 巡撫

賜 御書詩章

溫承惠

賜 篆書盛京賦

賜 樂善堂集

賜 御製樂府刻本

賜 御製熱河文廟碑文

禮親王

賜 御製詩集暨石刻

廣西 巡撫

賜 御製誌事詩墨刻

賜 御製通鑑續編題辭墨刻

禮親王

賜 古稀說墨刻

彭元瑞

賜 修德修刑論墨刻

阿桂

賜 御批通鑑并紀事像贊墨刻

孔憲培

賜 御製紀事文像贊序墨刻

彭元瑞

賜 四得論墨刻

穆和蘭

賜 御書筆誤識過墨刻

阮元

賜 盛京頌墨刻

方維甸

賜 御製石經序墨本


紀昀

賜 御書熱河考暨題識墨刻

阮元

賜書院淳化閣法帖

彭元瑞



謝 賜清漢 聖訓 雍正三年

河南巡撫臣田文鏡等謹

題為欽奉

上諭事欽惟我

皇上

德超堯舜

孝邁虞周

體

聖祖之心以為心克繼久道化成之美

法

聖

祖之治以為治不憚宵衣旰食之勤

侍膳問寢者四十年早悉仔肩之重大

身體力行者一二事倍知繼述之艱難然而

聖敬日躋於高明而臣下視之蕩乎難名其廣大

聖躬誕登於先岸而臣下視之茫乎不知其津涯是非

端拱乾宮大揮

宸翰垂裳西閣煥發

綸音則為君難之一言

宣尼僅指其大端考亭未詳其粵義薄海內外安知克

艱厥后之

聖心大小臣工孰識無忝所生之

聖德然羣臣愚陋未能仰測

皇上之高深而

皇上聖明兼能垂念羣臣之辛苦用人則錄其偏長之一

得理財則權其經費之萬全而且開誠布公以冀

君臣合德而且同好共惡以消朋黨偏私甚至體恤存懷

欲成就夫為臣之易益見憂勤不釋更無解於為

君之難此

清漢二書布之中外直與二典並傳奉為珍藏垂諸萬年

益著者也臣猥以菲材謬膺重任欽承

聖訓仰見

帝德之無私凜佩

皇言更覺

至誠之動物從此報報効益切精白自堅惟日以

皇上之難存諸寤寐斯不敢以微臣之易懈其靖共矣臣

正在繕疏恭謝

天恩又據布政使司布政使楊文乾按察使司按察使張

保恭請代

題叩謝

天恩前來理合一併具

題伏乞

皇上睿鑒施行

聲哽咽凡為臣子者逢此

聖明之主遭此

知遇之隆實皋夔不能得之於堯舜伊呂不能得之於商
周者也臣竊謂人臣事

君不但當以身事更當以心事此心惟知有

君而不知有人此心惟知有

君而並不知有己斯可以出其身以任封疆之重矣若徒
以清名要結乎外而內以遂其巧宦之私其心安可
問哉彼蓋以為

君臨天下四海之大豈能周知惟大臣可以進言屬官亦

多援救強紳劣衿更能捏造浮詞胥吏盜賊尤善播

傳物議是以畏憚而不敢禁其為非姑容而不能繩

之以法而不知

皇上之聖哲天縱之聖哲也

皇上之聰明天竄之聰明也即捧讀今日所

頒之

聖諭天下何事不在

皇上洞鑒之中天下何官不在

皇上涵蓋之下而尚敢沽名干譽苟且自容乎臣蒙
皇上天恩簡畀豫撫民不能安吏不能察教不能興政不
能舉不肖者不能查察豪強者不能約束奸吏不懲
盜風不息廢職曠官莫臣為甚臣問心自疚夙夜靡
寧者惟因臣幼不讀書性多愚戇起家縣左受
恩獨深止知力圖報効遂致動多愆尤今蒙
皇上至聖至明無微不至即臣披肝瀝膽跪奏於
皇上之前灑血陳情颺言於簡牘之上安能上及乎
天心之洞達

聖諭之周詳臣何人斯而仰蒙

皇上鑒臣之苦衷念臣之艱難一至於此臣惟有益加勉

勵奮不顧身竭盡愚誠實心任事以仰報

高厚隆恩於萬一耳謹恭疏

奏謝伏乞

睿鑒施行

謝 賜單條對聯絲布 雍正九年

雲貴廣西總督臣鄂爾泰跪

奏為恭謝

聖恩事雍正九年四月十一日臣齋摺家奴齋回

欽賜臣

御書單條一幅對聯一副新織花樣絲布四疋抵滇臣隨
郊迎至署恭設香案望

闕叩頭謝

恩祇領訖臣盥手莊誦注目諦觀曷勝敬仰曷勝忻忭恭

惟我

皇上

天縱多能

日新富有

萬幾餘暇舞龍鳳於毫端

十指轉旋散珠璣於紙上斯固

聖藻之超前軼後而尤臣心之遂願移情夢寐瞻依捧

宸翰之輝煌如傍

玉皇之香案山川間隔睹墨花之璀璨恍覩

慈父於龍墀仗尺素之雲煙為近

光之日月

頒來萬里不違咫尺於

天顏傳去千秋永貽奕葉之盛事載吟

睿製見天地之同流敬緯

王言識動植之咸若遮橋柳線絲絲剪出春風夾道榆陰

樹樹包含膏雨翻空麥浪仰窺

帝心眷注惟在鑿井耕田濺水池珠伏思

聖學高深早徹鳶飛魚躍隔林鶯舌聲唱太平之歌拂水

柳花點成熙皞之象樂兆民於海晏豈止

輦路塵清示庶職以天和常見

御園景滿寶此鸞翔鴻戲更重於琬琰珪璧之珍聆茲
大呂黃鍾何殊於夏玉敲金之奏懸諸堂上如傳闕
里之書

賜出天邊更得金閭之苧荷蒙

聖主以錦字當華袞之榮矢願微臣以尺布佐九州之被
謹此繕摺恭謝

聖恩伏乞

聖主睿鑒謹

奏

Blank columns for text on the right page.

謝賜 御書福字 乾隆四十八年

吏部侍郎江蘓學_政臣彭元瑞跪

奏為恭謝

天恩事_臣佈荷

恩賜

御書福字謹敬叩領訖欽惟我

皇上義畫開天箕疇建極越

古稀而積算

備全福以

小蓬瀛山會
視躬申祝維三

論年有萬廼

廣在宥之量

特隆敷錫之文臣猥以蠢愚久叨

誨育依光

北闕曾屢拜於

揮毫銜

命南邦復遠承於

賜福籠牋雲以玉管潤及菲葑灑墨露於金壺香生芹藻

舉家歡戴闔署光榮臣惟有感惕交懷慙勉自矢警

小心於夙夜俯期與日俱深被大塊以

陽春仰頌

如天之福敬謹具疏恭謝

天恩之伏祈

皇上睿鑒謹

奏

賜 御書福壽二字 道光六年

兩廣總督臣阮元跪

奏為恭謝

天恩事竊臣仰荷

恩賜

御書福字壽字鹿肉謹叩頭祇領伏念臣質比樗輕材同
駕考久司嶺海未効涓埃際茲禹甸迎韶復荷

堯天錫祐

春祺懋介

寶字雙輝福自

天申福臣即所以福粵壽由

帝錫壽臣亦所以壽民奉

楓陛之洪施

藻章煥彩拜

筮厨之珍品萃野生香列在岳臣深殷

嵩祝共沐如

天之福更思益壽之

恩臣奉職邊隅倍邀

宸貺惟有愈加奮勉益勵精勤以期仰酬

聖主疇錫無疆之至意所有微臣感激下忱謹繕摺叩謝

天恩伏乞

皇上聖鑒謹

奏

謝頒 世宗憲皇帝文集 乾隆四年

直隸總督臣孫嘉淦跪

奏為恭謝

天恩事乾隆四年三月十四日臣齋摺千總劉源青恭捧

宗憲皇帝

御世

製文集全部共三十卷

欽賜到臣隨出郭恭迎回署虔設香案望

闕叩頭謝

恩祇受欽惟

世宗憲皇帝

文敷四海

道冠百王

咨岳命官極都愈俞之盛事

化民成俗興雅頌之元音

文懸象以成章共覩日華雲縵

極敷言而錫福欣瞻風動時雍渙大號於絲綸三十卷孔

思周情無殊經五子四垂至言於金石十三年堯華

舜協不止典二謨三恭逢我

天

皇上

聖集大成

德隆至孝

功文巍煥見繼治之道同

謨烈顯承徵緝熙之心一琅函纂

睿藻言言玉振金聲絃帙彙

宸章字字珠聯璧合

儀型儼在非若皇墳帝索邈遠難稽

制作如新方諸禹鼎湯盤蒐羅更博惟

國家圖書館 NATIONAL CENTRAL LIBRARY TAIWAN R.O.C.

聖德覃覃心於紹述雲漢常昭荷

皇恩錫類於臣工龍光倍渥臣昔曾侍從久沐陶甄欽捧

瑤編若覩

顏淵穆深維

寶訓如聞

天

語從容什襲珍藏奚啻球圖之貴虔恭瞻仰有逾琬琰之

華惟有沆手焚香敬誦於朝朝夕夕銘心刻骨永傳

之子子孫孫臣不勝感激之至理合恭疏奏謝伏乞

睿鑒施行

賜 御制製全韻詩

臣 某等跪

奏為恭謝

天恩事竊臣接到駐京陝甘提塘官馬世清賚奉軍機處

交出

恩賞

御製全韻詩一部臣當經恭設香案望

闕叩頭祇領訖欽惟我

皇上道闡苞符功隆繼述觀人文以成化緯地經天鑒古

訓以綏猷觀光揚烈惟日新之盛德游藝本於依仁
固天繼之多能因文即以見道爰值

救幾之餘暇遂成統韻之

鴻篇援毫而

睿思舒霞灑墨而

宸章倬漢溯自生民伊始暨乎大統之成

有德而

宗 祖
有功遂引歷年於勿替漸以仁而摩以義用昭四海之永

清緬

前
徽而莫罄名言標

新製而別開叔格固已淵源

羣
聖精思每見於羹牆由是差等百玉炯戒長懸乎日月危

微十六字紹自虞廷治亂三千年凜於殷鑒蓋

帝王之全量靡不兼賅洵翰墨之偉觀臻乎至極詩以言

志想見

宣衣問夜之勤言可為經豈惟弄月吟風之什臣才慙吐

鳳技愧雕蟲瞻冊府之榮光彩流奎壁荷琅函之

寵錫慶溢簪裾欣當未有之遭逢倍切非常之忭舞從此

三薰伏讀比琬琰以同珍還思什襲珍藏擁縹緗而
永守所有臣感激下忱謹繕摺具

奏伏祈

皇上睿鑒謹

奏

賜 御製詩文書集 嘉慶十年

廣西巡撫臣某跪

奏為恭謝

天恩事嘉慶十年十一月初五日臣遞摺差弁回粵賚到
恩賞

味餘書室全集定本四函

御製詩初集四函臣敬謹出郊恭迎祇領訖欽惟我

皇上文明光被

喜起時雍

紹景運於

重華本孝經而

立極

緝熙敬學闡詩禮之

傳觀象成文

炳天人於斗篆筆追兩漢惟腴史而膏經

句邁三唐斯吹豳而奏夏師四時之

行健天籟和鳴

游六藝以聘聘懷

心

大成

聖集抒

典謨餘緒揚卿雲寶鼎之辭方雅頌諸篇述

德

庥之盛

天祖

龍文壽世日月霄霄懸

鴻藻編年璧珠辰耀

允廷臣之籲請爰付梓人荷

文命之誕敷遙頌疆吏臣學愧縹緗籍非金馬簪毫

樞近曾依

香案清芬奉職南方常憶

石渠中秘何期

紫微芝笈

楓陛驚宣從此

青簡瑤籤桂林雲護多文為富績萬卷以紀

萬年

一道同風諛百家而

冠百代比之金聲玉振東序鍾球惟當春誦夏絃西園

架範沆薇敬繹襲錦珍藏所有微臣欣感下忱理合繕

摺恭謝

天恩伏乞

皇上睿鑒謹

奏

賜 御書詩章 嘉慶 年

直隸總督臣溫承惠跪

奏為恭謝

天恩事本月二十一日欽奉

頒賞

御書

聖製賜臣詩章當即叩頭祇領竊念臣仰蒙

皇上特達之知幸際非常之

遇畿疆寄重

教養

恩深正以駕鈍之資難酬

高厚欲佐

隆平之治未效涓埃茲者恭逢

巡幸五台

經臨三輔臣扈隨

蹕路得廁清塵時若雨暘備六字中和之氣就瞻

雲日驗萬方愛戴之誠齊七政以聿

天行端賴

一人立極會八方而遵

王路羣欣萬邦作孚臣疊荷

鴻施已慙非分寸衷鰲戴受

寵彌驚迺復

宸翰優頒

奎章特賜

懷仁抱義宏謨訓以安民

緯武經文勗臣隣而翊化

篤栽培於教育悉

君師期望之心

寓策勵於褒嘉皆

天地生成之德臣邀斯

隆遇倍切警心

天上

恩濃倬

巍文於雲漢池邊水碧矢素節於漣漪報稱愈難悚慙交

切惟有服膺珍襲

製額恭懸仰

睿藻之輝煌奉若

麻命對

天章之巍煥勉為良臣所有感悚歡忭下忱理合恭

摺具

奏謹泥首

宮門叩謝

天恩伏祈

聖鑒謹

奏

賜篆書盛京賦

臣某跪

奏為恭謝

天恩事臣仰蒙

恩賜篆書盛京賦一卷謹叩頭祇領訖竊惟地靈啟於豐
鎬式廓留都國風紀自豳邠聿昭鴻業炳著大文之
煥成書首重於唐虞推原受命之由作頌不忘於景
毫欽惟我

皇上聖教誕敷皇謨丕顯萬國仰

觀文之化羣言會殊俗之歸天縱
聖多才能藻思睿發

帝與臣同喜起

寵錫紛披赤文綠字之奇儼授圖於天老玉檢金泥之秘
驚攜篆於龍威曩者賦天作於高山揚

昭代陪京之盛肆懿德於時夏美

聖朝開國之隆志山川物產之雄奇發祥由始記風俗人
情之美厚

命維新

天

作述之聖在

一人寶守相傳於萬世六韜八法妙合元功轉注諧聲悉
存古意配以國史篆籀玉筋雙懸佐之漢文龜魚琅
函婉美在天成象既日麗而星輝因物賦形復鸞翔
而鵠峙絨同合璧不獨留禹碣於岫嵒珎若聯珠豈
止垂周書於石鼓於以

頌諸

秘殿葺膺圖藉如持蒲穀躬桓試將鏤以金泥作鎮封
疆不啻嵩衡華岱臣備負轉運叨賜

恩榮親耒禾垂九穗之文欲頌豐年景瑞仰龍起千秋之
地心馳遼海雲帆所有感激微忱云云

賜樂善堂集

臣某跪

奏為恭謝

天恩事竊臣仰蒙

恩賜樂善堂集一部謹叩頭祇領訖欽惟我

皇上治邁堯文

道通義畫昇平多暇拱

斗極於三霄制作維新耀

奎章於五緯茹涵六義雅歌叶

舜帝之琴綜括千秋普照入

軒皇之鏡

丹文成笈早

御集之爭傳

紫殿揮毫更

鴻篇之弥富重評舊鑑識超涑水之前追和斯題榮軼香

山以上昔年

聖製文與道共識同源此日

宸章詩與史更為合璧上下四十年內嚴一字於春秋後

先百六韻中諧五音於律呂本源有自溯生民長發之初

謨烈斯光闡泰誓武成之義古今韻遞相經緯金石鏗鏘上下平復配宮商韶誦諧應至於歷代各有品題次以三聲均彰法戒句中

明訓懸二曜於高穹卷末

鴻文滙百川於巨海四言為主用朔淵源諸辭兼陳弥神

變化駢羅金史兼諷夫帝夏王秋渾穆元音具協夫

風琴雅管重規疊矩照然共貴於珙球大義微言允

矣宜鑄諸琬琰

賜來天上共欽

聖主鴻裁捧到人間洗盡儒生陋見循環雜誦一時之耳目皆新鞠脆恭迎萬古之心胸並拓竊維崇功有作武湯摘商頌之音咏史名篇班固學漢京之唱龍文虎脊作者雲與麟圖鴻章詞人踵接或鏗金以戛玉傳于詩壇亦振羽而沈宮宣諸樂府然而零璣片璧偶矜一語之工側調么絃詎識八音之會沈約四聲之作幾曾畢入於吟箋周曇兩卷之詩亦未徧粘夫

音譜豈若總韻家之全數一部無遺且以綜史字之舊文片詞立斷爭相捧視先聞香拂於牙籤幸荷頒宣共喜光生於錦帙雖復窺天而測海莫罄高深當此握璧而懷珍寶增忭舞時時恭繹仰瞻夫

禹訓

湯銘世世珍藏永守夫

夏疇

周誥

恩光特被莫知報稱之何從寶氣長輝惟頌

榮施之彌極所有臣榮感私忱理合具

奏

賜 御製樂府刻本 乾隆 年

臣 某等跪

奏為恭謝

天恩事十二月二十六日蒙

恩賞 臣等

御製擬白居易新樂府刻本各一部謹叩頭祇領訖欽惟

我

皇上

文緯珠躔

道光玉券

奎章炳灼仰典誥於初函

聖藻璘玕宣詠歌於三集星雲並麗已制作之感咸瞻日月

常新更篇題之弥富探源學海重紬長慶之遺編漱

潤文河載詠香山之舊作嘉其意存諷諭幾風雅之

能追惜其韻叶宮商尚瑕瑜之互見爰因古調別出

新裁各賦

鴻篇式昭

大訓訂譌糾正是非胥協均平酌古衡今教化弥彰廣大

五十首重規疊矩溯

世德以垂謨數千言憂玉敲金借原題而抒義斥當時之

弊政皆

聖朝釐剔所全無闡

昭代之宏猷實往古見聞所未逮諧聲音於韶濩九奏成

章炳法戒於丹青千秋作鑑輝騰部帙宜開龍閣之

華筵珍比球圖迴歷雞林之重價鐫來琬琰書萬本

以流傳

賜出縹緗望三霄而拜舞

鳳樓日麗映牙籤寶笈以分擎鎬籙春生視綵勝銀幡
而倍渥豈但述成金鏡非元白所能幾實惟編檢石
渠為向歆所未覩遭逢滋幸忝戴增榮臣等學謝窺
天才疎協律叨荷

九重之宣示許聞

舜帝之歌宛如十曲之鏗鏘共聽

軒皇之樂

頌從

天上字字成金捧向人間家家握璧從此三薰敬讀揆輿

義於叢雲還期什襲尊藏應嘉祥於文露所有臣等
感激下忱理合繕摺叩謝

主恩伏乞

睿鑒謹

奏

賜 御製熱河 文廟碑文

禮親王臣永恩跪

奏為恭謝

天恩事欽惟我

皇上德洽寰瀛

勲懸日月法

堯天之巍蕩成功繼以文章軼魯泮之聲詩奏凱登於律

呂

先幾獨朗義在於知微知彰知柔知剛

皇極所敷德備夫乃聖乃神乃武文乃武文

天無私覆七德舞而九功歌海不揚波萬國寧而

一人壽爰以臺灣武功之績用著熱河

文廟之碑

睿恭鴻敷

宸衷淵抑抑媯文義畫昭麗景於三光海賦山經縷承天之

八柱謂西極屢成丕績銘勲四列成均而東寧遠隔

重洋勒石雙標紀事惟此興桓工塞太微為

巡幸之垣矧知

宵旰前籌國學視受成之地景

勝謀之預定令出承風鏢

聖武之維揚師行若雨英雄夙選百人力敵乎萬人謀勇

相資二將心同於一將履鯨波如衽席寶奉螺旋勵虎

氣於艨艟靈徵鳥降五夜之精誠格

帝崇武嶼萬舸神驅百年之

厚澤在人嘉義縣千厝勸動戈揮巢落大里之杙奚存鼓

進渠擒老衢之崎安托水師深入港遇鹿而橫舟山

社偕來番因鰲而建屋遂乃拘狼及狙捕駟連叩藁

街並懸首之竿瑯嶠殄游魂之族蓋懲文恬武嬉之
習民有義而無頑而稟

惠綏威沐之謨番雖生而亦熟煌煌

大誥遠聞則緬甸來賓赫赫

王師移指而黎城底定

聖天子戰則克而受福仁無敵而不疑六合為家萬年一

日

天庥滋至殊勲既史策稀聞

壽考無疆

鉅製亦從來未有方今驛傳吉報歲啓新韶來瞻有海
表之民燕賞列年班之坐臣等恭逢

朝慶預

賜奎文讀

聯詠於和春摹穹碑於中秘書誦者萬本萬遍越七觀六
義以垂型受藏而三沐三薰合四海九州而忭頌

賜御製詩集石刻

廣西巡撫臣某跪

奏為恭謝

天恩事奴才標弁齋摺回粵齋到

恩賞

御製詠左傳詩一部懲蠹詩石刻一部又清愛堂石刻一
分奴才敬謹出郊跪迎至署恭設香案望

闕叩頭祇領訖伏維

皇上德隆

作述

道闡苞符

嚴彰瘁而用中

作訐謨而定命

睿藻發育盲言之蘊

元音自叶鐘鏞輔臣工心正之書

匪頒以示優異被

雲弦於

宸翰垂徽官方觸

湯網而

憫懷惟明

國憲

春溫秋肅仰百二十字

聖訓之裔皇

玉振金聲昭一十八省大吏之炯戒奴才世受

渥恩躬膺

寵眷甫辟

丹陛敬啓

黃封如對

天顏如聞

天語惟有益矢清白不敢稍易初心以期仰報

高厚鴻慈於萬一所有奴才感激下忱謹繕摺恭謝

天恩伏乞

皇上聖明睿鑒謹

奏

賜 御製誌事詩墨刻

王大臣某等謹

奏為恭謝

天恩事竊臣等荷蒙

恩賞

御製廓爾喀所貢象馬至京詩並誌事墨刻各一分謹叩

頭祇領欽惟我

皇上澤被無疆威稜有截

王師振旅武湯七捷鴻勳雲氣磨崖珉炳十全駿烈誠歸

廓喀顛降儼類於受羈欵納噶箕乞命早安於伏皂
賓布與賤錢並進瀝思陳情山輿偕任樂俱登懷音
慕化猶罔計道塗之修阻更特達象馬以遠供遂致
邱徙微報獻升少緩爰紆迴於萬里乃牽效於九重
前使已錫厚遣歸後貢甫經年呈鑑孔阜孔碩輶
垂鼻而銜

息不驟不馳蹠躐舒蹄而得路予嘉名以紀盛下繪院以
具圖綏遠謳歌恒芳誌事臣等伏稽往牒載攷成編
雉嘗獻於越裳葵亦貢夫西旅蠻夷通道史冊名篇

猗歟休哉曼乎尚矣至若唐有放馴象之賦漢傳秣
天馬之詩非不美頌詞臣艷流樂府然而德未協乎
外徼僅誇遠涉天章功第假於式師徒表才呈天驥
詎若

聖天子庠師運策繼殷武而更深夾步益疆闢禹功所不
到縣輸萬國物畢獻以咸賓干格兩階獸偕遊而率
舞散瑤池於仙仗久者元會充庭既太乙於和鸞悉
使右軍歸伍茲復跨川登嶺列衛騰驥諸番遞賦其
秣芻異域同歸於閑厩在

聖世不寶遠物寧侈陳

王會之圖惟

聖人式廓丕基彌

軫念戎行之蹟躡螺旋之仄徑我六軍真天而上升來破
蜂聚之重礪彼一部胥釜中而泣星馳電掣升陣惟
事指麾雪滑冰堅履險都忘踵决騰歡呼於勁旅爭
効順以抒忱昭巍煥於

宸章益持盈而示惕宜乎邊陲底貢效珍極航海梯山允
惟

純嘏懋膺

御宇直統天括地今者寶瓶大路象嫺端拱之儀玉勒金
羈馬備馳驅之選紀戎壘之懷畏幸全德及餘生鐫
睿藻以寵頒欽仰光垂大武庶承

穹昊知長顯規方分野之謨贊附侍臣願共讀

慎德念功之旨所有臣等感幸下情敬合詞繕摺具

奏恭謝

天恩伏祈

皇上

聖明

睿鑒謹

奏

賜 御製通鑑續編題辭墨刻

禮親王臣永恩等謹

奏為恭謝

天恩事本月初七日仰蒙

恩賞

御製通鑑綱目續編內發明廣義題辭墨刻臣等謹叩頭
祇領訖欽惟我

皇上

治闡珠囊

法參寶鑑

王言昭信千秋懸星日之光

睿筆闢誣萬世凜春秋之旨森嚴予奪

辨一統於史書別白公私

序三編於明紀義垂輯覽秉至正以持衡鑑著要評符大中而表極鞅鞅實惟肅慎特詳訂謬之文建隆分著北遼彌斥悖經之例固已

章志而功逾袞鉞

折衷而記陋馬班矣乃披通鑑續編之冊證發明廣義之

誣灼然釐曲直是非刪節仰遵

神斷卓哉定人心世道紀綱深著

題辭指其條例之多踈謬難悉數摘彼銓評之失當舊未加懲駁而正之舉其尤者世宗為完顏令主僅比小康女真守舊族淳風乃云當貶蒙古弗幾和林之叛反謂有愧封庫家學欲兼漢字之通且若不妨忘本說竟誣於變白病更甚於吹毛踏駁雖異魏叔正彼黨南而黨北辨治不同陳壽救其畸重而畸輕

發矇斯大道為公差等者豈惟遼金元三代